

ТУРГЕНЕВ

V ТОМ

**ТАНЛАНГАН
АСАРЛАР**

**ХИКОЯЛАР
ПЬЕСАЛАР
СОЧМАЛАР
ШЕЪРЛАР
МАҚОЛАЛАР
ХАТЛАР**

**ҒАФУР ФУЛОМ НОМИДАГИ АДАБИЁТ ҶАСАНЫАТ НАШРИЁТИ
ТОШҚЕНТ—1975**

СИГИНДИ

ИҚҚИ ҚУРИНИШЛИ ҚОМЕДИЯ

ИШТИРОҚ ЭТУВЧИЛАР

Павел Николаич Елецкий. Колледж советниги, 32 яшар. Петербурглик амалдор, сур, мингаймас, ақли жойида, сарышта, дид билан оддий кийинади. Барваста. Жаҳлдор эмас, лекин бағритош.

Ольга Петровна Елецкая. Қызлигидаги фамилияси Корина, Елецкийнинг хотини, 21 яшар. Хушфөйл, күнгилчан жувон, зодагонларга ҳавас қиласи, лекин бундан ўзи ваҳимага тушади: эрини севади, одоб-ахлоқи жуда яхши. Башанг кийинади.

Василий Семенич Кузовкин. Елецкийларнида ионасиба топиб еб юрган дворянин, 50 яшар, тик ёқали ва мис тугмали сюртук кияди.

Флегонс Александрович Тропачев. Елецкийларнинг қўшниси, 36 яшар. 400 жонли помешчик, бўйдоқ. Новча, хушрўй, шангиллаб гапиради, ўзига зеб берган. Қавалерияда хизмат қилиб, поручик увонида истеъфога чиқкан. Петербургга бориб туради, чет элга жўнаш тараффудида. Табиатан қўрс ва ғаламис. Яшил фрак, нўхат ранг шим, шотландча жилет кийиб, шоин галстутига катта тўғнагич қадаб юради. Амиркон ётик кияди, тутқичи ҳалланган ҳасса тутади. Сочи калта *a la mode!*¹ усулида олинган.

Иван Кузьмич Иванов. Бу ҳам Елецкийнинг қўшниси, 45 яшар. Мўмин-қобил, камсуқум бўлса ҳамки, иззат-хурматини биладиган одам. Кузовкиннинг дўсти. Ҳамиша маъюс. Эски жигар ранг фрак, ювилган, сарғиш жилет ва кўк шим кияди. Ута қашшоқ.

Карпачов. Буям қўшнилардан, 40 яшар. Ҳафтафаҳм, пайтавақулоқ бир одам, мўйлов қўйған, Тропачевга адъютант қатори хизмат қиласи. Бой эмас. Венгерка ва чоловор кияди. Дўриллаб гапиради.

Нарцис Константинич Трембинский. Елецкийларнинг эшик оғаси ва баковули (метрдотели), 40 яшар. Суллоҳ, шанғи, жонсарак. Утакетган фирибгар. Ҳамма бадавлат хонадонлардаги

¹ Тароққа ўхшаш (*франц.*).

яшик оғалар каби башанг кийинган. Белорусча талаффузда равон гапиради.

Егор Карташов. Иш бошқарувчи, 60 яшар. Хомсемиз, уй-қучи. Қўлига илинган нарсани ўмаради. Этаги узун бинафша ранг сюртук кияди.

Прасковья Ивановна. Қийим-кечак, ўрин-кўрпаларга қарайди, 50 яшар. Ориқ, инжиқ, заҳар хотин. Бошига дурра ўраб, қора кўйлак кийиб юради, чайналиб гапиради.

Маша. Оқсоқ, 20 яшар. Сўлимгина қиз.

Анна Падист. Тикувчи, хизматкор. Бир оёғи тўрда, бир оёғи гўрда, эси кирди-чиқди, меҳнатдан бели букилган.

Петр. Малай, 25 яшар. Навқирон, бақувват йигит. Қитмир ва аскиябоз.

Васька. Югурдак, 14 яшар.

БИРИНЧИ ПАРДА

Бой помешчикнинг уйи, ўнг томонда иккита дераза ҳам боқقا очи-
ладиган эшик, чап томонда меҳмонхона эшиги, тўғридагиси даҳ-
лизга олиб чиқади. Деразаларнинг ўртасида ёйиб кенгайтирилди-
ган стол, столда дамка. Чап томонда, олдинда яна бир стол ва
иккита курси. Меҳмонхона билан даҳлиз орасида коридорга чиқи-
ладиган йўл.

Трембинский (*саҳна орқасидан*). Бу қандай
тартибсизлик! Қаёққа қарамай, ҳамма ерда тартибсиз-
лик! Кечирилмас ҳол-ку бу ахир!..

Малай Петр ва югурдак Васька ҳамроҳлигида киради.

Бекамдан ёзма равишда кўрсатма олганман-а! Бу
ерда менга ҳамма сўзсиз итоат қилиши керак! (*Петрга.*)
Гапимга тушуняпсанми?

Петр. Ҳа, ҳа, тушуняпман.

Трембинский. Бекам бугун эрлари билан бу
ерга қадам ранжида қиладилар... Мана, мени олдинроқ
юбордилар, хўш, биз бу ерда нималар қилдик? Ҳеч нар-
са! (*Югурдакка дағдага қиласди.*) Сенга пишириб қў-
йибдими бу ерда? Қўлингни совуқ сувга урмай сан-
дироқлаб юриш бўлса-а, сенга?! (*Ўнинг қулоғидан уши-
лақб ҷўзади.*) Сенга текин овқат бўлса-я! Ҳаммаларинг
бир гўрсан, сенларга ош бўлса-ю, иш бўлмаса! Била-
ман сенларни? Жўна! Ишингга бор!

Югурдак кетади. Трембинский курсига ўтиради.

Худо ҳаққи, жоним халқумимга келди! (*Иргиб ўр-
нидан туради.*) Хўш, тикувчини нега ҳузуримга келти-
ришмайди? Ахир қаёқда юрибди у?

Петр (*даҳлизга қараб*). Тикувчи келди.

Трембинский. Келса нега кирмайди? Нимани кутяпти! Қани, кира қол, ошна, исми шарифинг нима? Анпадист киради-да, қўлини орқасига қилиб эшик ёнида тўхтайди. (Петрга.) Тикувчи шуми?

Петр. Худди ўзи.

Трембинский (Анпадистга). Нечага кирдинг, ошна?

Анпадист. Етмишни уриб қўйдим, отагинам.

Трембинский (Петрга). Сизларда шундан бошқа тикувчи йўқми?

Петр. Йўқ. Биттаси бор эди, яроқсиз чиқиб қолди. Соқов экан.

Трембинский (*қўлини кўтаради*). Шунақаям тартибсизлик бўладими?! (Анпадистга.) Хўш, қария, буйруқни адо этдингми?

Анпадист. Адо этдим, отагинам.

Трембинский. Ливреяларга ёقا ўтказдингми?

Анпадист. Ўтказдим, отагинам. Аммо лекин, отагинам... сариқ мовут етмай қолдии...

Трембинский. Унда қандай илож қилдинг?

Анпадист. Менга, отагинам, қазноқдан эски, сариқина юбка келтириб беришди.

Трембинский (*қўлини тўлғаб*). Оббо, шуям иш бўлдими? Бироқ, начора. Икки энли мовут деб овора бўлиб шаҳарга бормайдилар-ку. Бор, ишингни қил.

Анпадист кетишга чоғланади.

Менга қара, кўзингни оч! Чакқонроқ қимирла! Йўқса, биласанми, мен... Хўп, бора қол.

Анпадист кетади. Трембинский яна ўтиради, бироқ шу заҳоти дик этиб ўрнидан туради.

Ҳа-я, айтгандек, боғдаги йўлкаларни тозалашяптими?

Петр. Бўлмасам-чи, тозалашяпти. Қишлоқдан дехқонларни ҳайдаб келишди.

Трембинский (*Петрнинг олдига хезланиб келади*). Ие, сен кимсан.

Петр (*ажабланиб*). Нима дедилар?

Трембинский (*Петрга яна ҳам яқинроқ келади*). Сендан, кимсан, деб сўраяпман?

Петр (*таажжуби ортиб*). Менми?

Трембинский (*нақ Петрнинг тумшуғи тагига келиб*). Ҳа, сен, сен, сен... Қим бўласан?

Петр ўсал бўлиб, чурқ этмай Трембинскийга тикилиб қолади.

Гапирсанг-чи тезроқ, тилинг кесилганми, кимсан, деб сўраяпман сендан?!

Петр. Мен Петрман.

Трембинский. Йўқ, сен малайсан, билиб қўй буни. Вазифанг рўзғорга қарашу, чироқ тозалаш, боғ ишларига тумшуғингни суқма. Дехқонларни ҳайдаб келишганми, бошқаларними — бу билан ишинг бўлмасин. Буни саркор ҳал қиласди. Мен сендан бу ҳақда на сўраб-суриштиридим ва на жавоб кутдим. Сенинг ҳозир қиласиган ишинг саркорни чақириб келиш. Вазифанг шу.

Петр. Ана, ўзлари шу ёққа келяптилар.

Даҳлиздан Егор киради.

Трембинский. Э, Егор Алексеич! Жуда вақтида келдингизда. Лутфан айтинг-чи, боғдаги баъзи ишлар юзасидан бирор тадбир кўрдингизми?..

Егор. Ҳа, тадбир кўрдим, Нарцис Константинич. Ташвиш тортмасинлар... Кўнглингиз тамаки тусамаяптими?

Трембинский (*Егорнинг қўлидан тамаки олиб ҳидлайди*). Сизга ёлғон, худога чин, Егор Алексеич, эрта аzonдан бери тиним билмайман. Очифини айтсам сизга, шундай катта мулкда шунчалик тартибсизлик кўрарман, деб асло ўйламаган эдим! Бунда сизнинг айбингиз йўқ, нуқсонлар хўжаликда эмас, рўзғор ишларида.

Егор. Шунақа денг.

Трембинский. Уйлаб кўринг-а, мисол учун со-зандалар борми, деб сўрадим. Ўзингиздан қолар гап йўқ, хўжайнларни иззат-хурмат билан кутиб олиш даркор. Саволимга ҳа, бор, деб жавоб беришди. Қани, бўлмаса, уларни бу ёққа чақиринглар, дедим. Тавба, бу ёфини эшигининг энди. Ҳар бир созанда қандайдир вазифани эгаллаган. Қайси бири полизчи, бошқаси этикдўз, контрабасчи эса қўшчи бўлиб олибди. Шуям иш бўптими? Музика асбобларини ҳам чанг босиб ётибди. Зўр-базўр эпақага келтирдим. (*Яна тамаки ҳидлайди*.)

Егор. Серташвиш ишинг этагидан тутгансиз-да ўзингиз.

Трембинский. Ҳа, дангалига айтишим мумкин, нонимни ҳалол қилиб еяпман... Хўш, созандалар эшик олдида туришибдими!

Егор. Эшик олдида туришган эди. Ёмғир шивалаб қолгач, емакхонага кириб кетишди: асбоблар ҳўл бўлиб қолади, дейишиди. Нафси ламрда, мен уларни қувиб чиқардим. Хабар қилувчи ғафлатда қолиб, тўсатдан хўжайинлар кириб келиб қолишса нима бўлади?! Асбобларини этаклари тагида ушлаб турсалар ҳам бўлаверади.

Трембинский. Мутлақо тўғри. Чамаси, энди ҳамма иш жойида.

Егор. Кўнглингиз тўқ бўлсин, Нарцис Константинич. (*Петрга тикилади.*) Сен нега бу ерда қоқкан қозиқдек қаққайиб турибсан? Қани, түёғингни шиқиллат, кучала еган жойингга бориб тириш, жигар.

Петр даҳлизга чиқади. Коридордан Маша югуриб киради.

Ҳай, ҳай, ҳай, ойимтилла, ҳовлиқиб қаёққа кетяптилар?

Маша. Э, қўйсангиз-чи, Егор Алексеич! Просковья Ивановна сиқиб сувимни ичганиям етар. (*Чопганча даҳлизга ўтиб кетади.*)

Егор (*Машанинг орқасидан қараб қолади, кейин Трембинский томонга ўгирилиб кўзини қисади. Трембинский тиржаяди.*). Малол келмаса айтсангиз, Нарцис Константинич, соат неча бўлди?

Трембинский (*соатига қарайди*). Чоракам ўн бир. Ҳализамон хўжайинлар келиб қолишади.

Даҳлизда Кузовкин кўринади, у тўхтаб, орқасида турган аллакимга ишора қиласди. Кейин аста кириб, дераза олдидаги стол ёнига келади.

Егор. Фир этиб идорага бориб келай. Ювуқсиз оқсоқол ҳойнаҳой бетинӣ ювиб, соқол-мўйловини тарамагандирам. Упишаман деб ёпишишданам тоймайди у.

Кузовкин. Салом, Егор Алексеич!

Егор (*малол келиб*). Э, сизмисиз Василий Семенич! Ҳозир сиздан бошқа зарур ишлар бор. (*Даҳлизга чиқади. Кузовкин деразага яқинлашади.*)

Трембинский (*у ёқ-бу ёққа аланглаб, Кузовкини кўриб қолади*). Э, сиз ҳам шу ердамисиз!

Кузовкин Трембинскийга таъзим қиласди. Трембинский назарига илмай, бош ирғаб қўя қолади ва елкаси оша унга сўз қотади.

Хўш, нима гап? Сиз ҳам ўша ёққа бормоқчимисиз? Яъни, ёш хўжайинларни кутиб олишга чиқмоқчими-сиз?.. А?

Кузовкин. Шундоқ.

Трембинский. Начора, қалай, хурсандмисиз?
(Унинг жавобини кутмайди.) Ясаниб олдингизми?

Кузовкин. Ҳи... йўғ-э...

Трембинский. Яхши... яхши... Сиз шу ерда, панароқ жойда пусиб ўтирангиз ҳам бўлади.

Кузовкин таъзим қилади.

Ҳа, дарвоқе! Унутибман! Петр!.. Петр!.. Петрушка!..
Нима гап? Даҳлизда ҳеч ким йўқми?

Иванов (даҳлиздан мўралайди). Хизмат, буюр-
синлар!

Трембинский (таажжубланиб). Маъзур туласиз... Сиз... томдан тараша тушгандек...

Иванов (ичкарига мўралаб турган ҳолда). Иванов, Иван Кузьмич... уларнинг улфати... (Кузовкини
кўрсатади.)

Кузовкин (Трембинскийга). Қўшнимиз... Шу ерлик... Менинг меҳмоним.

Трембинский (бошини чайқаб салмоқлаб гапи-
ради). Ҳозир хонаси эмас... йигиштиринг бу гапларни,
жаноблар!

Петр нақ Ивановнинг ёнидан ўтиб ичкари киради.
Иванов ўзини орқага олади.

(Петрга.) Қаёққа ғойиб бўлдинг? Орқамдан юр...
Бир кўрай-чи, кабинетда аҳвол қандайикин? Ҳойна-
ҳой ҳамма ишни мен айтгандек қилмагандирсан... Сен-
ларга ишониб бўлармиди?!

Икковлари меҳмонхонага кетишади. Кузовкин ёлғиз қолади.

Кузовкин (пича сукутдан сўнг). Ваня... Ҳей,
Ваня.

Иванов (даҳлиздан туриб). Нима?

Кузовкин. Киравер, Ваня, ҳеч нарса қилмайди.

Иванов (секин-аста киради). Яхиси, мен кета
қолай.

Кузовкин. Йўқ, кетмайсан. Нима, шунгаям ота
гўри — қозихонами? Сен менга меҳмонсан. Бу ёққа кел.
Ана у ерда ўтири. Бу ер менинг ўрним.

Иванов. Юр, яхиси, ҳужрангга бора қолайлик.

Кузовкин. Айни вақтда ҳужрамга боришининг
иложи йўқ. У ерда ҳозир кўрпа қоплашяпти... Бир дунё
пар олиб киришган у ерга. Шу ерам тузук-ку.

Иванов. Йўқ, яхниси, мен уйимга кета қолай.
Кузовкин. Қўйсанг-чи, Вания, қолгин, мана бу
ерга ўтиргин, ўтира қол. Мен ҳам ўтираман.

Кузовкин ўтиради.

Ҳозир валинеъматларимиз келишади. Кўриб қўйгин
уларни.

Иванов. Кўриб пима қилдим.

Кузовкин. Уидай дема. Ахир Ольга Петровна Пе-
тербургда турмушга чиққан-а. Куёв болани кўрайлик-чи,
қанақайкин? Яна тағин Ольга Петровнани кўрмагани-
мизгаям кўп вақт бўлди. Олти йилдан ошди. Ўтири.

Иванов. Э, қўйсанг-чи, Василий Семенич, ростини
айтсам...

Кузовкин. Ўтири дегандан кейин ўтири-да. Янги
эшик оғасининг дағдағасига парво қилма. Ҳаволаси
худога! Ахир уни бу ишларга кўз-қулоқ бўлиб туриш
учун бекорга тайинлашмаган-да.

Иванов. Ольга Петровна, худо билсин, бадавлат
кишига турмушга чиққандир? (*Ўтиради.*)

Кузовкин. Хабарим йўқ, Вания, лекин биласанми?
Эшитишинг қараганда, катта амалдормиш куёви. Наф-
силемарда, Ольга Петровнага баҳт кулиб боқиши дар-
кор эди. Ахир умрининг охиригача холаси билан бирга
туриши амри маҳол-ку.

Иванов. Айтгин-айтгин, Василий Семенич, янги
барин бизларни қувиб юбормасин-да!

Кузовкин. Нега қувар экан бизни.

Иванов. Сени назарда тутяпман.

Кузовкин (*уҳ тортиб*). Биламан, Вания, биламан.
Сен, жигар, чакана одаммассан, ҳар қалай помешчик-
сан. Менга ҳатто янги матодан уст-бош тикиб ҳам бе-
ришмайдилар. Ҳар кимдан қолганини устимга илади-
лар. Ҳар ҳолда янги барин мени бу ердан қувмайди.
Раҳматлик барин ҳар қанча баджаҳл бўлса ҳамки,
менга тил теккизмаган эди.

Иванов. Мен сенга айтсам, Василий Семенич, сен
петербурглик шоввозларни билмас экансан.

Кузовкин. Хўш, Иван Кузьмич, улар... ҳалиги-
дақами?

Иванов. Айтишларига қараганда, худонинг балоси
эмис улар! Очифини айтсам, уларнинг қандайлигини
ўзимам яхши билмайман, эшитганман, холос.

Кузовкин (*бир дақиқа жум турғач*). Бош омон бўлса қўрармиз. Мен Ольга Петровна суюнаман. У мени хўрлатиб қўймайди!

Иванов. Хўрлатиб қўймасмиш-а! Сени бутунлай унудиб юборгандир балки? Ахир у бу ердан онасининг вафотидан кейиноқ, қизалоқлигига холаси билан жўнаб кетган эди-а. Назаримда, ўшанда у ҳали ўн тўртга ҳам қадам қўймаган эди. Нима, у билан қўғирчоқ ўйнаганингни пеш қиласанми?! Э, овора бўласан, у сенга қиё ҳам боқмайди.

Кузовкин. Э, қўйсанг-чи, Ваня.

Иванов. Мана кўрасан.

Кузовкин. Қўй, ундаи дема, Вания, барака топкур.

Иванов. Мана қараб тур, Василий, менинг айтганим бўлади.

Кузовкин. Рост айтяпман, Вания, бас қил... Кел, яхшиси, шашка ўйнаймиз... Хўш? Нима дейсан?

Иванов индамайди.

Бекор ўтиргандан кўра, кел, эрмак қиласмиш.
(*Шашкани олиб, доналарни теради.*)

Иванов (*доналарни териб*). Нимаям дердим, зап вақтини топдинг-да. Эшик оғаси ҳеч вақтда сенга қўй, ўйнама, деб айтармиди?!

Кузовкин. Нима, биз битта-яримтага халал беряпмизми?

Иванов. Ахир хўжайинлар ҳализамон келиб қолишади-ку.

Кузовкин. Келишса, йиғишириб қўямиз. (*Доналарни беркитади.*) Ўнг қўлимдами, чапидами?

Иванов. Мени айтди дерсан, Василий Семенич, бизни ҳайдашади. Чап қўлингдагиси. Сен бошла.

Кузовкин. Мен-а... Бўпти, бугун, ошна, мана бундай бошлайман.

Иванов. Оббо сен-э, даъвоинг зўр-ку, мен бу ёққа юрдим.

Кузовкин. Мен эсам бу ёққа.

Иванов. Мен бу ёққа.

Ногаҳон даҳлиздан ғала-ғовур эшитилади. Югурдак Васька ўқ-дек отилиб киради. «Келишяпти! Келишяпти! Нарсиц Константинич!

Келишяпти!..» Кузовкин билан Иванов сапчиб ўринларидан туришади.

Кузовкин (*қаттиқ ҳаяжонга тушиб*). Келишяпти? Келишяптими?

В а ська (бақиради). Хабар берувчи ишора қилди,
келишаётганмиш!

Меҳмонхонадан Трембинский инг овози эши билади:
«Нима бўлди? Хўжайнлар, хўжайнлар келишяптими?» У Петр
 билан бирга меҳмонхонадан чопганча чиқиб кетади.

Трембинский (қичқиради). Созандалар! Дар-
ҳол жойларингизни эгалланглар!

Даҳлизга югуради. Пётр билан юргурдак унга эргашади. Коридор-
дан чопганча Маша чиқади.

Маша. Хўжайнлар келишяптими?

Кузовкин. Келишяпти. Келишяпти.

Иванов энсаси қотиб бир бурчакка суқилади. **Маша:** «Келишяп-
ти!»—деб қичқириб юргурганча коридорга кириб кетади. Орадан бир
зум ўтгач, коридордан Прасковья Ивановна ўқдек отилиб
чиқади, даҳлиздан эса Трембинский чиқиб келади.

Прасковья Ивановна. Келишяптими?

Трембинский. Қизларни чақиринг бу ёқса, қиз-
ларни!

Прасковья Ивановна (коридор томонга
қичқиради). Қизлар! Ҳой, қизлар!

Егор (даҳлиздан чопиб чиқади). Нон билан туз
қани, Нарцис Константинич?

Трембинский (томогини йиртиб бақиради).
Петр! Петр! Нон-туз! Нон-туз қани?

Коридордан башанг кийинган олти нафар қиз чиқади.

Даҳлизга киринглар, қизлар, даҳлизга!

Қизлар юргилашиб даҳлизга киарканлар, эшикда Петр билан
тўқнашиб кетадилар. Петрининг қўлида катта нон ва туздан қў-
йилган патнис.

Петр. Секироқ, тентаклар!

**Трембинский (Петрининг қўлидан патнисни тор-
тиб олади-да, Егорга тутқазади).** Бу сизга... Эшикка
чиқинг, боринг тез.

уни Петр ва Прасковья Ивановна билан бирга итариб чиқариб
юборади, ўзи эса уларнинг орқасидан югуриб борар экан, даҳлизда
қичқиради: «Ҳой одамлар, қаёқдасиз?.. Бу ёқса келинглар!»

Петрининг овози. Анпадистни чақиринглар!

Бошқа овоз. Ўн боши этигини тортиб олибди.

Трембинский пинг овози. Кучерларни чақи-
ринг! Кучерларни!

Қизларниң овози. Келишяпти! Келишяпти!

Трембинский нинг овози. Овозини ўчиринг, жим бўлинглар.

Ҳамма ёқ сув қўйгандек жим бўлиб қолади. Бу чоп-чоп вақтда қаттиқ ҳаяжонга тушиб, лекин жойидан жилмай турган Кузовкин қулогини динг қиласди. Туйқусдан созандалар пала-партиш «Зафар садоси, янгра...» кўйини чалиб юборади. Зина ёнига карета келади, ғовур-ғувур эшитилади. Музика тинади. «Чўлп-чўлп» ўшишганлари эшитилади... Хийла вақтдан кейин Ольга Петровна, нон ушлаган эри, унинг орқасидан Трембинский, патнис қўтарган Егор, Прасковья Ивановна, қўшчи киради. Лекин у бўсафада тўхтаб қолади.

Ольга (*эрига табассум қилиб*). Мана, ниҳоят уйдамиз, Paul.¹

Елецкий унинг қўлини сиқади.

Бошим осмонга етди! (*Хизматчиларга мурожаат қилиб.*) Миннатдорлик изҳор қилинглар! (*Елецкийни кўрсатиб.*) Сизнинг янги хўжангиз шу киши... Севинг, ҳурмат қилинг. (*Эрига.*) Rende cela, mon ami.²

Елецкий нонни Егорга беради.

Трембинский (*икки букилиб*). Бирор амру фармонлари бўлса айтсинлар... Қўнгиллари овқат ёхуд чой тусар...

Ольга. Йўқ, маъзур тутасиз, кейин. (*Эрига.*) Сенга уйимизнинг ҳамма жойини ҳам сенинг кабинетингни кўрсатаман. Ахир оз эмас, кўп эмас — етти йил бўлганим йўғ-а, бу ерда!

Елецкий. Кўрсат.

Прасковья Ивановна (*Ольганинг қўлидан шляпаси билан тўр рўмолини олаётуб*). Она қизим, қундузим...

Ольга (*унга жавобан жилмаяди ва аланглаб теварак-атрофни кўздан кечиради*). Уйимизам эскиб қолибди... Хоналар ҳам, назаримда, кичкина бўлиб қолгандай...

Елецкий (*меҳрибон мураббий қабилида*). Ҳамиша шундай бўлади. Сен бу ердан қизалоқлигингда кетгансан-да.

Кузовкин (*Ольгадан бир нафас ҳам кўзини узмай турган эди, энди унинг олдига келади*). Ольга Петровна, ижозат этинг... (*Унинг тили тутилади.*)

¹ Павел (франц.).

² Буни бера қолинг, дўстим. (Франц.)

Ольга (*аввалига уни танимайди*). И... э, Василий... Василий Петрович, соғлиғингиз қалай? Танимабман сизни.

Кузовкин (*унинг қўлини ўпади*). Ижозат этинг... табриклайн...

Ольга (*эрига Кузовкинни имлаб кўрсатиб*). Эски қадрдонимиз Василий Петрович...

Елецкий (*таъзим қилади*). Жуда соз, хурсандман. Ҳали ҳеч ким пайқамаган бўлса-да, Иванов ҳам узоқдан таъзим қилади.

Кузовкин (*Елецкийга таъзим қилади*). Хуш келибсиз... Бизлар ҳаммамиз... шундай хурсандмизки...

Елецкий (*унга яна таъзим қилади, кейин хотиниға паст товушда*). Ким бу?

Ольга (*у ҳам паст товушда*). Қашшоқ зодагон, уйимизда кун кечиради. (*Овозини барака қўйиб*.) Қани юр, сенга уйимизни кўрсатай. Мен шу ерда туғилганман. Paul, шу ерда ўсиб-улғайғанман...

Елецкий. Бажону дил кўраман, юра қол... (*Трембинскийга мурожаат қилади*.) Сиз, бемалол бўлса, маҳрамимга айтсангиз... нарсаларим эшикда...

Трембинский (*шоша-пиша*). Хўп, жоним билан. Ольга. Қани, юра қол, Paul.

Икковлари меҳмонхонага кетишади.

Трембинский (*паст товушда хизматчиларга*). Хўп, дўстларим, энди жой-жойингизга боринглар. Сиз, Егор Алексеич, даҳлизда бўлинг, хўжайин баъзи нарсаларни сўраб қолиши мумкин.

Егор билан хизматчилар даҳлизга, Прасковья Ивановна эса чўрилар билан коридорга қараб йўл олади.

Прасковья Ивановна (*бўсағада*). Боринглар, бораверинглар... Ҳа, бир гап бўлдими, нега тиржаясан, Маша? (*Кетади*.)

Трембинский (*Кузовкин билан Ивановга*). Хўш, жаноблар, нима, сиз шу ерда қолмоқчимисиз?

Кузовкин. Ҳа, қоламиз.

Трембинский. Хўп, майли... фақат қулоғингизда бўлсин, зинҳор-базинҳор... (*Қўли билан шиора қилади*.) Худо ҳаққи... йўқса, гуноҳ бизнинг бўйнимизга тушади. (*Оёқ учиди юриб даҳлиз томон кетади*.)

Кузовкин (*унинг орқасидан қараб туради-да, шартта ўғирилиб Ивановга сўз қотади*). Хўш, Вания,

ойимпошша қалай? Ё тавба, қара-я! Етилибдими жуда? Ҳуснини айт, очилиб кетибдими? Мени унутмабди-я. Ана кўрдингми, Ваня, гапим рост чиқди-а?

Иванов. Унутмабди... Айтгандек, нега сени у Василий Петрович деб атади?

Кузовкин. Қизиқсанда, Ваня! Шунгаям ота гўри — қозихонами? Петрович бўлди нима-ю, Семенич бўлди нима, ўйлаб кўр, ахир ақлли одамсан-ку. Эри билан таништирди у мени. Басавлат ўигит! Қандини урсин! Хушрўйгина... Рост, у амалдор бўлса керак! Бу гапга нима дейсан, Ваня?

Иванов. Билмадим, Василий Семенич. Яхшиси, мен кетай.

Кузовкин. Қўйсанг-чи, Ваня, сенга бир гап бўлди-ми ўзи? Бугун кўзимга бошқачароқ кўриняпсан. Кетамдан бошқа гапни билмайсан-а. Сен менга, яхшиси, шуни айт, ойимпошша сенга маъқул бўлдими?

Иванов. Нима ҳам дердим, тузук.

Кузовкин. Бир жилмайшининг ўзига дунёни берса арзиди. Овозини айтмайсанми? Саъванинг, йўғ-э, булбулнинг ўзгинаси. Эрини ҳам севади. Бу шундоққина очиқ-ойдин кўриниб турибди. Тўғрими, Ваня? Кўриниб турибди, а?

Иванов. Ким билсин, Василий Семенич, бўлса бордир.

Кузовкин. Уят, Иван Кузьмич, худо ҳаққи, уят. Шодликдан теримга сифмай турсаму, сен бўлсанг... Ие, улар яна бу ёққа келишяпти...

Ольга билан Елецкий киришади.

Ольга. Ана кўрдинг, уйимиз уччалик катта эмас. Начора, борига барака.

Елецкий. Қўй, ундей дема, уйинг бинойидек, қурилиши ҳам жуда ажойиб.

Ольга. Қани юр, энди боққа чиқамиз.

Елецкий. Жоним билан... дарвоқе... сенинг бошқарувчинг билан иккى оғиз гаплашсам дегандим.

Ольга (гина қилиб). Сенинг бошқарувчинг, деганинг нимаси?

Елецкий (тиржайиб). Бизнинг бошқарувчимиз билан. (Хотинининг қўлини ўпади.)

Ольга. Майли, сен айтганча бўла қолсин. Мен, мана, Василий Петровични олиб кетаман. Василий Петрович, юринг, боққа чиқамиз... Малол келмайдими?

Кузовкин (*мамнуниятдан чиройи очилиб*). Бемадол... мен... мен...

Елецкий. Оля, шляпангни кий.

Ольга. Ҳожати йўқ. (*Бошига шарф ташлайди*.)
Юринг, Василий Петрович.

Кузовкин. Ижозат этсангиз, Ольга Петровна,
сиз билан... шу ерлик... бир... қўшнимиз Ивановни
таништиурсам...

Иван Кузьмич уялиб, таъзим қиласди.

Ольга. Танишганимизга хурсандман. (*Ивановга*.)
Биз билан боқقا чиқишга майлингиз қалай?

Иванов таъзим қиласди.

Қўлинигизни беринг, Василий Петрович...

Кузовкин (*қулоқларига ишонмай*). Лаббай...
қандай...

Ольга (*кулиб*). Мана бундай (*қўлини олиб қўлтиғидан ўтказади*). Эсингида борми, Василий Петрович...

Ойнабанд эшик томон юришади. Иванов уларга эргашади.

Елецкий (*ойнабанд эшик ёнига келиб хотинининг орқасидан қараб туради, кейин чап томондаги стол ёнига келиб ўтиради*). Ҳой, ким бор. Бу ёққа!

Петр (*даҳлиздан чиқиб*). Хўш, хизмат!

Елецкий. Отинг нима, иним?

Петр. Петр.

Елецкий. Ҳа! Хўп, бор, бошқарувчини чақир,
оти нимайди, Егормиди?

Петр. Худди шундай.

Елецкий. Қани, чақир.

Петр кетади. Орадан бир дақиқа ўтгач, Егор киради, бўсағада
тўхтаб, қўлини белига қўяди.

(*Маҳкамама бошлигининг овозига тақлидан*.) Егор,
эртага мен Ольга Петровнанинг ер мулкини кўздан ўт-
казмоқчиман.

Егор. Бош устига.

Елецкий. Қанча жон бор у ерда! Кўпми?

Егор. Тимофеев қишлоғида уч юз саксон тўрт эр-
как бор деб рўйхатга олинган. Аслида бундан кўп...

Елецкий. Қанча кўп?

Егор (*қўлига йўталади*). Йигирма нафар бўлса
керак.

Елецкий. Ҳм... Илтимос, батафсил аниқлаб, ах-
борот беринг. Парча-пурча ерлар ҳам борми?

Егор. Қўргон яхлит ер ўртасига жойлашган.

Елецкий (*Егорга тушунинқирамай қарайди*). Ҳм... экинбоп ерлар кўпми?

Егор. Етарли. Мавсумда экиладиган ер икки юз етмиш беш ботмон.

Елецкий (*яна Егорга ажабланиб тикилади*). Экинга яроқсизи қанча?

Егор (*тутилиб*). Нима десамикин!.. Буталар таги... жарлар ҳам бор... Яна, қўргон этаги... Яйлов... (*Ўзини тутиб олиб*.) Пичан ўрилади у ерда.

Елецкий (*қошини учирив*). Аниги қанча?

Егор. Ким билади. Ўлчанмаган. Аммо лекин планда кўрсатилгани эллик ботмон чиқар-ов.

Елецкий (*ўзича*). Тартибензлик-ку булар. (*Бақириб*.) Урмон борми?

Егор. Бор, йигирма саккиз ботмон.

Елецкий (*овозини баланд қўйиб, дона-дона қилиб сўзлайди*). Бундан чиқди, ҳаммаси беш юз ботмонга бориб қолар экан-да?

Егор. Беш юз? Икки мингдан ошади.

Елецкий. Нега ундей бўлса сен... (*Тўхтайди*.) Ҳа, ҳа, мен ўзим шундай демоқчи эдим? Уқдингми?

Егор. Ҳа, уқдим.

Елецкий (*жиiddий қиёфада*). Хўш, бу ердаги дех-қонларнинг ўзларини тутишлари қалай? Итоатгўйми улар?

Егор. Дуруст одамлар. Дўйқ-пўписани яхши кўришади.

Елецкий. Ҳмм... Қалай, оч-ялангоч эмасми улар?

Егор. Йўғ-э, асло! Ҳаммаси ўзига тўқ.

Елецкий. Буни эртага ўзим текшираман. Сенга жавоб. Ҳа-я, айтмоқчи, менга шуни айт-чи, бу ерда яшаб юрган анави одам ким?

Егор. Кузовкин Василий Семенич — зодагон. Шу ерда кунини ўтказади. Эски бариннинг вақтида келиб қолган. У киши буни эрмак учун сақлардилар.

Елецкий. Кўпдан бери бу ердами?

Егор. Ҳа. Кекса бариннинг вафот этганига йигирма йил бўлди, Василий Семенич марҳум ҳаётлигида келган эди.

Елецкий. Ҳа, майли... Хўш, сизда идора борми?

Егор. Идорасиз иш қилиб бўлармиди?

Елецкий. Буларнинг ҳаммасини эртага кўздан ке-
чираман. Бор энди.

Егор кетади.

Бошқарувчи, назаримда, бафаросат кўринади. Ҳай,
майли, омон бўлсак кўрамиз. (*Ўрнидан туриб у ёқдан
бу ёқка юради*.) Мана, қишлоқдаман, ўзимнинг қишло-
гимдаман. Бир оз қизиқроқ, лекин маза.

Даҳлиздан Тропачевнинг овози эши билади: «Келишдими? Бугун-а?..»

(Ўзича.) Ким бўлди бу?

Петр (даҳлиздан чиқиб). Тропачев Флегонт Александрич келдилар. Сизни кўришга истак билдирияпти-
лар... Буюринг, нима деб жавоб қиласай?

Елецкий (ўзича). Буниси кимикни?.. Номи та-
ниш-ку. (*Овозини баландлатиб*.) Чақир.

Тропачев (киради). Салом, Павел Николаич,
бонионг.¹

Елецкий бир оз ҳайратга тушиб таъзим қиласади.

Чамаси, мени танимаётгандексиз... Петербургда граф
Кунцовникидаги учрашув эсингиздами?

Елецкий. Ҳа, рост... хуш келибсиз, жуда хурсанд-
ман... (*Қўлини сиқади*.)

Тропачев. Мен сизнинг кўзdek қўшнингизман. Бу
ердан ниҳояти икки чақирим нарида турман. Шаҳар-
га тушгудек бўлсам, нақ уйингиз ёнидан ўтаман. Сиз-
ни кутишаётганларидан хабарим бор эди. Кел, бугун
бориб ҳол-аҳвол сўраб келай, дедим. Лекин бемаврид
келиб қолган бўлсам, ҳеч тортинмай айтинг менга.
*Entre gens comme il faut.*² Қандай такаллуф бўлиши
мумкин!?

Елецкий. Жуда вақтида келдингиз, гарчи қишло-
қи ошпаз қандай таом тайёрлаганини билмасам ҳамки,
тушликини биз билан бирга қиласиз деган умиддаман.

Тропачев (*ҳассасини йўнаб, таманно билан га-
ниради*). Ё парвардигор, сизларнинг қўлингиз очиқ;
феълингиз кенглигини биламан-ку. Сиз ҳам яқин күп-
ларда менинида бўлиб, мени хурсанд этурсиз деган
умиддаман... Балки ишонмассиз, келганингизга шундай
хурсандманни. Бу ерда ҳалол одамлар пақадар кам,

¹ Салом. (Франц.)

² Ҳалол одамлар орасида. (Франц.)

des gens comme il faut. Et modan R?¹ Унинг сиҳати қалай? Уни қиз болалигидан биламан. Ҳа, шундоқ, мен хотинингизни жуда яхши биламан. Табриклайман. Сизни, Павел Николаич, чин қалбимдан муборакбод қиласман. Ҳе-ҳе. Ҳойнаҳой, у мени бутунлай танимас. (*Ўзига бино қўйиб, чакка соқолларини силайди.*)

Елецкий. Оля жуда хурсанд бўлади... У шу ерда турадиган ҳалиги анави жаноб билан боққа чиқиб кетган эди.

Тропачев. Э, анави биланми?! У, фаҳмимча, мас-харабоз эди шекилли... Нафси замар, у бўш-баёв одам. Дарвоқе, мен билан бир дворянин келган эди... У даҳлизда... Изн берсангиз...

Елецкий. Бажону дил... Нега даҳлизда қолди?

Тропачев. Oh, ne faites pas attention.² Шундай бўлиб қолди, ҳеч боқиси йўқ. У ҳам қашшоқлигидан меникида нон-насибасини топиб еб юрибди... Менга ҳамроҳ... Йўлда одам ёлғиз зерикади. Илтимос, безовта бўлманг... Ja vaus en prise.³ (*Даҳлизга келади.*) Карпачов! Кир, биродар!

Карпачов кириб таъзим қиласди.

Мана, Павел Николаич, танишинг.

Елецкий. Жуда хурсандман.

Тропачев (*Елецкийни қўлтиғидан ушлаб, Карпачовнинг ёнидан олиб кетади, Карпачов қисилиб-қимтиниб четга чиқиб туради.*). Cest bien cest bien.⁴ Кўпга келдингизми, Павел Николаич?

Елецкий. Уч ойлик отпуска олдим.

Иккови у ёқдан-бу ёққа юради.

Тропачев. Оз... оз. Тушунаман, ортиқчасининг эвини қилолмагандирсиз. Шу муддатга ҳам аранг кўнишган бўлса керак. Ҳе-ҳе. Сиз ҳордиқ чиқаришингиз даркор. Ҳўш, овга ҳушингиз қалай?

Елецкий. Умрим бино бўлиб қўлимга милтиқ ушламаганман... Бироқ, бу ерга жўнашдан олдин ит сотиб олдим. Нима, бу ерда парранда кўпми?

¹ Хоним-чи? (*Франц.*)

² О, парво қилманг. (*Франц.*)

³ Утишман сиздан. (*Франц.*)

⁴ Жуда соз, жуда соз. (*Франц.*)

Тропачев. Бор, топилади. Ижозат этсангиз, бу ёғини бўйнимга оламан. Сизга ов санъатини ўргатамиз. (*Карпачовга.*) Хўш, бизнинг Малинникда парранда борми?

Карпачов (*бурчакда турган жойида дўриллаб*).
Бор, Тошлоқ Тоғда айниқса сероб.

Тропачев. Жуда соз-да!

Карпачов. Ўрмончи Федул тунов куни айтувди.
Горелида...

Боғдан Кузовкин ва Иванов билан Ольга келади. Карпачов жимиб, таъзим қиласди.

Ольга. Эҳ, Paul, боғимиз шундай сўлимки... (*Тропачевни кўриб тўхтайди.*)

Елецкий. Ижозатинг билан таништирай.

Тропачев (*Елецкийнинг сўзини бўлиб*). Афв этасиз, афв этасиз, биз эскидан танишмиз... Ольга Петровна эҳтимол мени танимас... Бунга ажабланмаса ҳам бўлади. Мен ушп (*қўлини ердан бир газ баланд кўтариб*) сомме¹ танийман. (*Ўзига зеб беради ва жилмайиб гапида давом этади.*) Тропачев Флегонс... Қўшнингиз Флегонс Тропачев ёдингиздами? Эсингида борми, мен сизга шаҳардан қўғирчоқлар келтириб берардим. Ўшанда сиз ёқимтой қизча эдингиз, ҳозир қарасам... (*Сўнгги сўзни у чертиб гапиради, таъзим қилиб, бир қадам орқага чекинади, кейин кўнгли тўлиб қаддини ростлайди.*)

Ольга. Эҳ, мсье Тропачев, албатта-да... Сизни танидим энди... (*Унга қўлини узатади.*) Бу ерга келганимдан берни қанчалик шод-хуррамлигимни сиз билмайсиз.

Тропачев (*шакаргуфтторлик билан*). Фақат келганингиздан берими?

Ольга (*унга жавобан жилмаяди*). Ёшлик чоғларим эсимга тушиб кетди... Paulсен албатта мен билан боққа чиқишинг керак... Сенга ўз қўлим билан эккан акасни кўрсатаман... Ҳозир у мендан анча баланд.

Елецкий (*Ольгага Карпачовни кўрсатиб*). Мсье Карпачов ҳам қўшнимиз.

Карпачов таъзим қилиб, бурчакка суқилади, Кузовкин билан Иванов ҳам шу ерга қисилиб олишган.

¹ Шундайлигидан. (*Франц*)

Ольга. Жуда хурсандман.

Тропачев (*Ольгага*). Не laîtes pasattenton¹ (ово-зини барала қўйиб, қўлини артар экан). Мана, қишлоғингизга келиб, уни бошқаришни қўлингизга олдингиз... Вақт қандай тез ўтяпти...

Ольга. Сиз, умид қиласанки, тушликни бизникида қиласиз?

Елецкий. Мен аллақачон таклиф қилиб қўйганман... Pardon², исми шарифлари қандай?

Тропачев. Флегонс Александрич.

Ольга (*Елецкийни сал четга тортиб*). Бемаврид келибди-ку бу жаноб.

Елецкий. Ҳа... Лекин у дуруст одамга ўхшайди.

Тропачев (*четга чиқади ва ҳеч тортинмай лапанглаб юриб, ҳассасининг тутқасини тишлаганча Кузовкиннинг нақ тумшиғи тагига келиб унга сўз қотади*). Э, сизмисиз? Хўш, аҳволлар қалай?

Кузовкин. Худога шукур, чакки эмас.

Тропачев (*тирасаги билан Карпачовни кўрсатиб*). Сиз уни танийсиз-а?

Кузовкин. Бўлмасам-чи... биз танишмиз.

Тропачев. Шундоқ, шундоқ... (*Ивановга*) Сизни нима деб атардилар? Сизам шу ерданмисиз?

Иванов. Ҳа.

Ольга (*Тропачевга*). Мсье... мсье Тропачев...

Тропачев (*шартта ўғирилади*). Лаббай.

Ольга. Ахир биз сен билан эски танишмиз, муло заматга ўрин ийқ, тўғри эмасми?

Тропачев. Афв этасиз...

Ольга. Ижозат этсангиз, хонамга борсам... Биз ҳозиргина келиб туриб эдик... У ёқ-бу ёққа қарабласа...

Тропачев. Бемалол, Ольга Петровна... Сиз ҳам, Павел Николаич, бу ерини ўз уйингиздек билинг. Ҳе-ҳе. Биз манави жаноблар билан бир оз вақиллашиб ўтирамиз.

Ольга. Гарчи эски танишмиз бўлсангиз ҳам, сафар кўйлагида юришдан уяляпман...

Тропачев (*тиржайиб*). Бу важ-корсонга қулоқ солмасдиму, лекин хотин-қизлар пардоз-андоз, ясан-

¹ Эътибор қилманг. (*Франц.*)

² Узр. (*Франц.*)

тусанга ўч бўлишини биламан-да... (*Гапидан адашади, ўзига зеб бериб, таъзим қилади.*)

Ольга (кулиб). Тилингиз ўткир экан... Сизларни вақтинча холи қўяман, жаноблар, яхши қолинг. (*Мехмонхонага кириб кетади.*)

Тропачев. Павел Николаич, рухсат этинг, сизни яна бир марта муборакбод қиласай... Сиз, очиини айтсанм, баҳти кишисиз...

Елецкий (кулиб унинг қўлини сиқади). Ҳақ гапни айтдингиз... Фадде... Флегонис Александрич.

Тропачев. Тўхтанг, мабодо мен сизга халал берайтганим йўқми?

Елецкий. Аксинча, Флегонис Александрич. Биласизми нима? Мудабир хўжайин сифатида сиздан бир нарса сўрасам кўнглингизга оғир...

Тропачев (Павел Николаичнинг олдига келади ва қўлини олиб томонига қўяди). Нима десангиз амрингизга муентазирман, бемалол буюраверинг.

Елецкий. Малол келмаса, овқатдан олдин бир хирмонга бориб келсак. Узоқ эмас, боғнинг ёнгинасида.

Тропачев. Enchanté!¹ Бемалол.

Елецкий. Қани, шляпангизни олинг бўлмаса. (Каттиқ.) Ҳей, ким бор?

Петр киради.

Айт, ионуштани келтиришсин.

Петр. Хўп бўлади. (Кетади.)

Тропачев. Йўқ, демасангиз Карпачов биз билан бирга боради.

Елецкий. Жуда соз...

Иккови кетади. Карпачов уларга эргашади.

Кузовкин (тўлқинланиб Ивановга мурожаат қиласади). Хўш, Вания, энди нима дейсан, қалай бизнинг Оля?

Иванов. Нима ҳам дердим, кўзга яқин.

Кузовкин. Ширин сўзлигини айтмайсанми?

Иванов. Ҳа, у эрига ўхшамайди.

Кузовкин. Нимаси ёмон унинг? Сен, Вания, ўйлаб гапир: у катта одам, ўзини шундай тутишга ўрганганд. Биласанми, хурсандлигини ошкор қилиши мумкинмас.

¹ Бош устига. (Франц.)

У ёқда уларни шунга ўргатишган. Пайқадингми, Ваня,
Олянинг кўзлари қандай?

Иванов. Йўқ, Василий Семенич, пайқамадим.

Кузовкин. Худо ҳаққи, ошна, сенга тушунолмай
қолдим. Яхшимас, Ваня, рост, яхшимас.

Иванов. Балки шундайдир: нима ҳам дердим. Ана,
эшик оғаси келяпти.

Кузовкин (*овозини настлатиб*). Қелса келар.
Ҳеч нарса қилганимиз йўғу.

Петр билан Трембинский киради, Петр патнисда ионушта
келиради.

Трембинский (*столни сағнанинг ўртасига суреб*).
Мана бу ерга қўй, ҳазир бўл, тушириб юборма.

Петр патнисни қўйиб, дастурхонни очади, Трембинский дастурхон-
ни унинг қўлидан олади.

Бу ёққа бер... Буни ўзим тўғрилайман, сен вино
олиб кел.

Петр кетади. Трембинский дастурхонни тугиб, Кузовкинга кўз
қирини ташлайди.

Тавба, баъзилар осмондан оёғини узатиб тушадими
дейман-да! Биз ўринг қурғурлар бир бурда нон то-
пиш учун бошимизни юз ёққа урамиз, улар эса тайёр
ошга баковулдирлар. Хўш, қани айтинг-чи, шундай
бўлгач, дунёда ҳақиқат борми? Қизиқ!

Кузовкин (*оҳиста Трембинскийнинг елкасига
қўлини теккизади. Трембинский унга ажабланиб қа-
райди*). Деворга суйкалибсиз... Чанг бўлибди...

Трембинский. Ҳечқиси йўқ... тинч қўйинг.

Петр шишалар билан шампанское солиб қўйиладиган ваза кўта-
риб киради ва уни эшик ёнидаги кичкина столга қўяди.

Энди бор, чаққон қимиirla. (*Шишани олиб стол ус-
тига қўяди.*) Айтгандек, шашкани йигиштириб қўй...
Жаноблар ўйнашга хўп вақт топибдиларми? Шуям
ўйин бўлди-ку?! Нима бало, зодагонларнинг ўйини-
ми бу?

Петр шашкани йигиштириб қўяди.

Иванов (*оҳиста Кузовкинга*). Хайр, ошна.

Кузовкин (*секингина*). Қаёққа?

Иванов (*секин*). Уйга.

Кузовкин (*аста*). Қўй, кетма.

Егор (*даҳлиздан мўралаб, ҳовлиққанча*). Нарцис Константинич, Нарцис Константинич...

Трембинский (*аланглаб*). Нима?

Егор. Барин қаёққа кетди?

Трембинский. Хирмонга. Нега сиз у билан бирга бормадингиз?

Егор. Хирмонга кетдиларми... Ё, тавба...

Югурмоқчи бўлади, бироқ шу заҳоти қаддини ростлаб, қўлинни белига қўяди-да, эшик ёндорига суқилади. Ичкарига Елецкий. Тропачев ва Карпачов киради.

Елецкий. (*Тропачевга*), Хўш vous êtes content?¹

Тропачев. Tres vieu, tres bien, tout est très vieu...²

Э, Егор, омонмисан! Одамларингиз ичидаги энг яхшиси шу, Павел Николаич... Сиз бунга бутунлай орқа қилишингиз мумкин.

Егор яна таъзим қилиб, кетади.

Мана, ионушта ҳам тайёр экан. (*Стол ёнига келади.*) Э! Бу ноз-неъматлар бутун бошли зиёфатга етади-ку! Comme c'est bien servi!³ (*Таом солинган бир идишинг кумуши қопқоғини олади.*) Қалламни гаровга тикаман... (?) пазандаликда Сен-Жорждан қолишмайди... Ахир Сен-Жорж балои азим-ку! Уникида юз марта...

Елецкий. Хоҳласангиз ўтирамиз. Ҳей, стул келтиринг!..

Петр стуллар олиб келади, Трембинский хўжайнлар ёнида ўралашади. Елецкий билан Тропачев ўтиради.

Тропачев (*Карпачовга*). Сен ҳам ўтириш, Карпаче... (*Елецкийга*.) C'est comme cela gul je l'appelle... Vous permetter?⁴

Елецкий. Бемалол... (*Бир чеккада қисилиб турган Кузовкин билан Ивановга*.) Хўш, сизлар нега ўтиришмайсиз, жаноблар... Ўтиринглар, сўраймиз.

Кузовкин (*таъзим қилиб*). Кўп миннатдормиз... Тик турсак ҳам бўлаверади...

Елецкий. Ўтиринглар, сўрайман.

¹ Маъқулми? (*Франц.*)

² Ҳаммаси жойида, жуда соз. (*Франц.*)

³ Дастурхонни қандай ажойиб безатибди-я. (*Франц.*)

⁴ Уни мен шундай деб чақираман... Ижозат этасизми?

Кузовкин билан Иванов тортиниб келиб стол ёнига ўтиришади. Тропачев ўзини кўз-кўз қилиб Елецкийнинг чап томонига ўтиради, Карпачов ўнг томонига, анча нарироқقا ўтиради, унинг ёнига Кузовкин билан Иванов ўтиришади. Трембинский қўлтиғига сочиқ қиссанча, Елецкийнинг орқасида туради. Петр эса эшик ёнида. (*Товоқнинг қопқоғини олиб*). Қани, жаноблар, етказганига шукур.

Тропачев (*оғзида луқмаси билан*). Partait, partait¹ ошпазингиз зўр экан, Павел Николаич...

Елецкий. Жуда ҳам ҳотам экансиз! Демак, сиз донни бу йил янчса дуруст бўлади, деб ўйлайсизми?

Тропачев (*кавшаниб*). Ҳа, шундай деб ўйлайман. (*Рюмкадаги винодан ҳўплаб*.) Сизнинг соғлифингиз учун! Карпачев, нега Павел Николаевичнинг соғлифи учун ичмаяпсан?

Карпачов (*ирғиб ўрнидан туради*). Баҳоси йўқ хўжайнинг узоқ йил умр (*рюмкани бир кўтаришда бўшатади*) ва баҳт-саодат тилайман. (*Ўтиради*.)

Елецкий. Раҳмат.

Тропачев (*Елецкийни тирсаги билан туртиб Карпачовга*). Саркорликка жуда боп одам эканми-а? Нима дейсан?

Карпачов. Бўлмасам-чи! Бундан маъқулроғини қаердан ҳам топишарди?

Тропачев. Дарҳақиқат, Павел Николаич, хизматингиз йўл қўйса — жуда ҳам мазали пишлоқ экан. Хизматингиз йўл қўйса — бизнинг саркоримиз бўлардингиз!

Елецкий. Маъзур тутасиз...

Тропачев. Йўқ, мен астойдил гапиряман... (*Кузовкинга*.) Нима учун сиз Павел Николаичнинг соғлиғига ичмаяпсиз? Ҳўш? (*Ивановга*.) Сиз-чи?

Кузовкин (*тараддуға тушиб*). Беҳад хурсандман...

Тропачев. Карпаче, қуй унга... тўлатиброқ қуй. Иш деган бундоқ бўпти, мулозаматга бало борми?

Кузовкин (*ўрнидан туради*). Муҳтарам хўжайнинг ва рафиқаларининг соғлиқлари учун... (*Таъзим қилиб ичади ва ўтиради, Иванов ҳам таъзим қилади ва ломмим демай ичади*.)

Тропачев. Ҳа, баракалла!.. (*Елецкийга*.) Шошманг... nous allous гіге². У жуда қизиқ одам,

¹ Ажойиб, ажойиб. (*Франц.*)

² Кўнгил очамиз. (*Франц.*)

бироқ дастлаб ичириб маст қилиш керак. (*Қўлида пичоқ ўйнаб, Кузовкинга.*) Хўш, турмушлари қалай, Фалончи Писмадонович! Кўрмаганимгаям анча бўлди.Faқир қиши панада юрибсизми?

Кузовкин. Ҳа, худди айтганларидек юрибмиз.

Тропачев. Хўп, жуда яхши. Қалай, бу Ветрово қўлингизга ўтай деялтими ниҳоят ёки йўқми?

Кузовкин (*ерга қараб*). Ҳазилга ишқибозсиз-а.

Тропачев. Э, қўйинг-е, қаердан топдингиз бу гапни? Сизга жоним ачиганидан гапирияпман. Заррача ҳам ҳазиллашаётганим йўқ.

Кузовкин (*уҳ тортиб*). Ҳали ҳеч қанақа ажрим йўқ.

Тропачев. Йўғ-э!

Кузовкин. Ҳа, шундай.

Тропачев. Начора, сабр қиласиз энди! (*Елецкийга кўз қисиб.*) Сиз, Павел Николаич, рўпарангиздаги жаноб Кузовкини анойи фаҳмламанг, бу киши ҳақиқий помешчик, Ветрово ва Угарово қишлоқларининг әгаси, йўғ-э, вориси, қонуний ворисидир... Қарамоғингизда неча жон бор?

Кузовкин. Ветрово қишлоқчасида рўйхатга олинганлар қирқ икки киши, бироқ уларнинг ҳаммаси менга қарамайди.

Тропачев (*Елецкийга оҳиста*). Унинг ақлу ҳуши шу Ветровода (*овозини барала қўйиб*). Неча ботмон ерингиз бор?

Кузовкин (*дадилланиб*). Еттига бўлиб, яна бъзи қонуний талаблар қондирилса, саксон тўрт ботмондан кўпроқ қолади.

Тропачев. Сизга қанча жон тегади.

Кузовкин. Қанча тегиши номаълум. Аксарияти қочиб кетган.

Елецкий. Хўш, сиз нима сабабдан мулкингизни әгалламайсиз?

Кузовкин. Судлашиш керак-да.

Елецкий. Судлашиш? Ким билан?

Кузовкин. Бошқа меросхўрлар чиқиб қолди. Далолатдан яна чакана қарзлар бор.

Елецкий. Бу иш қўзғалганига кўп бўлдими?

Кузовкин (*бир оз дадилланиб*). Ҳа, кўп бўлди. Жони жанинатда бўлсин, барин ҳаётлигида бошланган эди. Мулк менга қоларди-ю, пул бўлмади. Вақт ҳам

йўқ. Бўлмаса-ку, шаҳарга тушиб, югуриб-елиб/ ҳара кат қилса бўларди-я. Бироқ сира қўл тегмайди. Герб-ли қозганинг ўзи озмунча туради дейсизми? Мен қўли қисқа одамман.

Тропачев. Карпаче, яна унга бир рюмка қўй.

Кузовкин (*бош тортиб*). Беҳад миннатдорман.

Тропачев. Э, олсангиз-чи. (*Ўзи ичади.*) Сизнинг соғлифингиз учун.

Кузовкин ўрнидан туради, таъзим қилиб ичади.

Анқайманг-да. Ишингиз пачава-ку. Бу аҳволда қишлоқни бой бериб қўйишингиз мумкин.

Кузовкин. Нима қилсамикин?! Мана, бир йилдан ошди, справкаларни ҳам йигмай қўйдим...

Тропачев таънаомуз бошини чайқайди.

Тўгриси, у ерда бир одамим бор... ўшанга умид боғласам бўлади, лекин тағин ким билади дейсиз?

Тропачев (*Елецкийга кўз ташлаб*). Ўша одамнинг кимлигини билсак бўладими?

Кузовкин. Бутунлай билиш қийин, ҳай, бўлганча бўлди!. Личков Иван Архинич, тапийсизми?

Тропачев. Йўқ, танимайман, ким у?

Кузовкин. Уни танимайсизми?.. У уездда суд назорати ходими... рости, илгари суд назоратида ишларди... очифи, бу ердамас, Веневада. Ҳозир бир амаллаб кун кўриб юрибди, кўпроқ олди-сотди билан машғул.

Тропачев (*Кузовкиннинг қилиқларидан кулгиси қистаб турган Елецкийга тикилиб*). Ўша жаноб Личков сизга ёрдам беришга ваъда бердими?

Кузовкин (*бир оз сукутга чўмид*). Ваъда берди. Мен унинг иккинчи ўғлини чўқинтиришим, шу важдан у ваъда берган. Сабр қил, ишингни тўғрилаб бераман, деган. Иван Архинич пихини ёрган одам.

Тропачев. Ростдан-а?

Кузовкин. Ҳа, губернада энг ўткир одам.

Тропачев. Ахир сиз у ҳозир истеъфода, олди-сотди билан машғул, дедингиз-ку!

Кузовкин. Шундайликка шундайку-я, лекин у баҳоси йўқ одам. Очигини айтсам, уни анчадан бери кўрганим йўқ.

Тропачев. Йўғ-э.

~~Кузовкин.~~ Рост, бир йилча бўп қолди.

Тропачев. Шуям оқибат бўлдими-ю! Яхшимас.

~~Кузовкин.~~ Ҳақ гапни айтдингиз, лекин иложим қанча?

Елецкий. Ўзи нима гап, бизларга ҳам гапириб беринг.

Кузовкин (*йўталади, қизишиб*). Гап шундай, Павел Николаич. Дадил гапирганим учун узр, лекин бунинг сизгаям нафи бор. Гап бундай, Ветрово қишлоғи... Умрим бино бўлиб аркони давлат ҳузурида сўзламаган эдим. Келиштириб гапиролмасам, мени афв этинг.

Елецкий. Гапиринг, бемалол гапираверинг.

Тропачев (*Карпачовга рюмкани кўрсатиб, Кузовкинга*). Яна бир рюмка отасизми, а?

Кузовкин (*бош тортиб*). Йўқ, қуллуқ...

Тропачев. Дадил бўлиш учунам-а?

Кузовкин. Ундаи бўлса бошқа гап. (*Ичади ва пешанасини рўмолчаси билан артади*). Бўлмаса, эши-тинг, Ветрово қишлоғи, гап шу борада кетади, мазкур қишлоқ бобом Кузовкиндан, қайсики секунд-майор Максимдан, балки у ҳақда эшитгандирсиз, туғишган aka-укаларга, Максимнинг ўғилларига, падар бузрукворим Семенга, яна тағин қадрдан амаким Никтополионга мол-ҳоли билан ўтган. Падарим Семен, бир қориндан талашиб тушган бўлса-да, ўзининг укаси, менинг амаким билан ҳаётлигига ит-мушук бўлган, амаким фарзанд кўрмай ўлган, буни ҳисобга олиб қўйинг, ўтишман, лекин шуниси борки, амаким ўз отам Семендан кейин жон таслим қилган. Уларнинг туғишиган сингиллари бор эди... у — яъни Катерина Порфирий Ягушкинга турмушга чиққан. Порфирий Ягушкиннинг эса поляк хотинидан Илья исмли ўтакетган ароқхўр, шак-кок ўғли бўлган. Ана шу Ильяга амаким Никтополион синглиси Катеринанинг тазиёки билан бир минг етти юз сўмга вексель берган, Катерина бўлса, эри Порфирийга бир минг етти юз сўм вексель тайинлаган, боз устига, падари бузрукворимдан орага уезд суд аъзоси Галушкинни ишга солиб, яна икки минг сўмни қуртдек қилиб ундирган... дарвоҷе, бу ишга Галушкиннинг хотини ҳам бош қўшган... Шу кунларда отам раҳматлик тўсатдан қазо қилган. Ана шундан кейин векселларни ундиришга киришилган. Никтополион зир

югуриб, мулкни мен бўлмаганим, мулк жияним билан икковимизники, деб даъво қылган, Катерина эса бирдан ўн тўрт қисми меники, деган, ана шу пайтда осмондан тушгандек боқимандалар ҳам топилиб қолди... Фирт дахмаза! Галушкининг хотини бирдан дўп этиб вексель кўрсатса бўладими? Никтополион нима дейди денг, менинг ишим йўқ, жиянимнинг ўзи жавоб қилсин... Қани айтинг-чи, она сути оғзидан кетмаган бола нима ҳам дея оларди?.. Галушкин бўлса уни судга берди. Поляк хотинининг ўғли ҳам уни, қолаверса ўгай онасини судга берди, Катеринага ҳам раҳм-шафқат қилмади... Унга, сенга омонлик бермайман, дейди... У эса, сен оқсочим Акулинани заҳарладинг, деб даъво қиласди... Натижада уриш-жанжал авж олади. Даъвои достон дўлдек ёғилади. Уезд судига, губернага, губернадан ёзма равишда яна уездга... Никтополионнинг ўлимидан сўнг иш ниҳоятда чигаллашиб кетди. Мен мулкка доҳил қилишни талаб қилиб турганимда, бирдан, Ветрово қишлоғини ўз вақтида солиқ тўламаганлари учун ким ошди савдосига қўйиб сотилсии, деган фармойиш келиб қолди. Ҳе йўқ, бе йўқ, немис Гангеместер ҳуқуқини рўкач қиласди, бир маҳал қарасак, дехқонлар худди оёғи куйган товуқдек зир югуриб қолишиди, уезд саркори бўлса, кўчадаёқ кекирдагини чўзиб, васийликка оламан, васийликка оламан, деб қичқиради... васийликка олиш йўл бўлсин... Қонуний ворисни мулкка йўлатишмади... Катерина ҳам анои эмас, у поляк хотининг ўғли Илья устидан нақ ҳукуматнинг олий судига арз қилди...

Кузовкин ҳамма гур этиб кулганини кўриб, тўхтайди ва қаттиқ ўсал бўлади. Хўжайнларга ялтоқланиб, лекин қўрқа-писа қараб турган ва уларнинг вақтиқозликларида ён бериб иштирок этган Трембинский қийқириб кулади. Петр девор ёнида турганча тен-такнамо тиржаяди. Карпачов ҳушёрлик билан ҳахолайди. Тропачев ичаги узилгудек қотиб-қотиб кулади. Елецкий кўзини сузиз, нафратомуз кулади. Кузовкиннинг маърузаси давомида бир неча марта унинг этагидан тортган Ивановгина бошини қўйи эгиг индамай ўтиради.

Елецкий (*Кузовкинга кулги аралаши*). Давом этинг, нега тўхтаб қолдингиз?

Тропачев. Марҳамат қилиб, ҳалиги нимайди, давом этинг.

Кузовкин. Мен... афв этасиз... безовта қилдим... агар...

Тропачев. Нима гаплигини мен билиб турибман... сиз тортиняпсиз... Рост эмасми, тортиняпсиз-а?

Кузовкин (*шаштидан тушиб*). Ҳа, шундай.

Тропачев. Буни йўқотишнинг йўли осон... (*Бўшишишани кўтаради*.) Ҳеъй, яна вино келтир... Vous regretter?¹

Елецкий. Марҳамат... (*Трембинскийга*.) Шампанскоедаи йўқуми?

Трембинский. Нега йўқ бўлади, бор...

Шампанское турган ваза ёнига чопади ва олиб келади, Кузовкин жилмайиб сюргутининг тугмасини ушлайди.

Тропачев (*Кузовкинга*). Яхшимас бу ишингиз, муҳтарам жаноб! Очиқ кўнгил улфатларнинг даврасидан тортиниши ярамайди. (*Елецкийга, шампанскоели вазани кўрсатиб*.) Ие, музга қўйилганми? Mais c'est magnifique!² (*Қадаҳга қуяди*.) Жуда яхши вино бўлса керак. (*Кузовкинга*.) Бу сизга. Йўқ деманг энди... Сал гапдан чалғидингиз, холос, бунинг айбситадиган ери йўқ... Павел Николаич, буюринг, ичин...

Елецкий. Ветровонинг бўлгуси эгасининг соғлиги учун! Ича қолинг, Василий... Василий Алексеич.

Кузовкин ичади.

Тропачев. Э, қойилман!

Елецкий иккови ўринларидан туришади, ҳаммалари туриб авансена томон юришади.

Зўр нонушта бўлди-да ўзиям! (*Кузовкинга*.) Ҳўш, бу ёри нима бўлди? Қим билан судлашасиз энди?

Кузовкин (*винодан ҳаяжонга келиб*). Қим билан судлашардим. Гангиммesterнинг ворислари билан-да...

Тропачев. У жаноб ким ўзи?

Кузовкин.. Қим бўларди, немис. У барча векселларни сотиб олган, баъзилар шундай олаверган дейишади.

Тропачев. Катерина нега фафлатда қолди? Поляк хотиннинг ўғли Илья-чи?

Кузовкин. Э! Уларнинг ҳаммаси ўлиб битган.

¹ Ижозат этасизми? (*Франц*.)

² Ахир бу жуда ажойиб-ку. (*Франц*.)

Поляк хотиннинг ўғли куйиб кул бўлган. Қатта кўча ёқасидаги карвон саройда ёнгин чиққан, маст бўлган у. (*Иванга*.) Бўлди, мунча этагимдан тортаверасан. Мен жанобларга ётири билан дардимни айтяпман. Буни уларнинг ўзи сўрашяпти. Ножўя иш қиляпманми, а?

Елецкий. Ўнга халал берманг, жаноб Иванов, гапларини мароқ билан тинглаяпмиз.

Кузовкин (*Ивановга*). Ҳа, шунақа. (*Елецкий билан Тропачевга*.) Хўш, жаноблар, мен ниманинг даъвосини қиляпман? Мен адолатни, ишларни қонуний ҳал қилинишини талаб қиляпман. Мен буни иззатталабликдан қилаётганим йўқ. Иззатталабликни ер ютсин! Сиз бизнинг устимиздан ажрим чиқаринг. Айбдор бўлсам, айбдор денг, ҳақ бўлсам, ҳақ денг...

Тропачев (*унинг сўзини бўлиб*). Яна бир рюмка кетадими?

Кузовкин. Йўқ, беҳад миннатдорман, мен нимани даъво қиляпман?..

Тропачев. Ундаи бўлса, ижозат этинг, сизни бир қучай.

Кузовкин (*ҳанг-манг бўлиб*). Шунчалик ҳурмат... Беҳад...

Тропачев. Йўқ, сиз менга жуда ёқасиз... (*Уни қучиб, хийла вақт ушлаб туради*.) Ўпиб ҳам олардиму, лекин, майли, яхшиси, кейин.

Кузовкин. Ихтиёрингиз.

Тропачев (*Карпачовга кўз қисиб*). Қани, Карпачов, энди навбат сенга...

Карпачов (*хахолаб кулиб*). Қани, Василий Семенич, ижозат этинг, сизни бир бағримга босай...

Кузовкинни қучиб, у билан айланади. Ҳар ким ўзига хос кулади.

Кузовкин (*Карпачовнинг қучогидан чиқшиги уриниб*). Э, бас қилинг...

Карпачов. Қўй, таранг қилма... (*Тропачевга*.) Сиз, Флегонс Александрич, яхшиси, сиз унга қўшиқ айтишни буюоринг... Бу ерда ундан ўтадиган ашулачи йўқ.

Тропачев. Ие, дўстим, ашула айтасизми?.. Марҳаматингизни дариф тутманг, истеъдодингизни бизга ҳам намойиш этинг!

Кузовкин (*Карпачовга*). Нега мен тўғримда ёлғон-яшиқ гапларни тўқийисиз? Қанақасига мен ашулачи бўлай?

Карпачов. Раҳматлик барин тириклигига дастурхон устида ашула айтган ким эди?

Кузовкин (*овозини пасайтириб*). Барин тириклигидами? Ўшандан бери анча қариб қолдим...

Тропачев. Қанақасига қариб қоларкансиз, қўйинг-э!

Карпачов (*Кузовкини кўрсатиб*). Ҳам ашула айтарди, ҳам ўйнарди.

Тропачев. Шунаقا дегин! Қойил! Бало экансиз-ку! Бир дўстлик қилиб юборинг-а? (*Елецкийга*) С'est un reu vulgaire¹ бўлса ҳам ҳечкиси йўқ, қишлоқда бўлаверади. (*Кузовкинга қаттиқ*.) Нега қараб турибсиз? Бошлиг: «Кўча бўйлаб»... (*Хиргойи қиласди: «Кўча бўйлаб»*.) Қани?

Кузовкин. Мени шу ишдан халос қилинг, ўтинаман.

Тропачев. Жуда қайсар экансиз-ку. Елецкий, сиз айтинг унга...

Елецкий (*бўшашиброқ*). Хўш, нега энди ашула айтгингиз келмаяпти, Василий Семенич?..

Кузовкин. Ёшим ўтиб қолди, Павел Николаич, маъзур тутинг.

Трембинский (*ялтоқлануб, жанобларга тиржаниб қарар экан*). Назаримда, яқингинада ошналарининг (*Ивановни кўрсатади*) тўйларида хизматларини аямаган эдилар.

Тропачев. Ана, кўрдингизми...

Трембинский. Ўтириб-туриб ўйнаганча бутун хонани айланиб чиқсан эдилар...

Тропачев. О, унда бўлса бош тортишингиз поўрин... Нима сабабдан биз билан Павел Николаични ранжитмоқчисиз?

Кузовкин. Унда кўнгил майли билан ўйнаб эдим.

Тропачев. Ҳозир сиздан сўраяпмиз. Танангизга бир ўйлаб кўринг, бош тортишингизни ношукурликка йўйиш ҳам мумкин. Ношукурлик... Эҳ! Қандай катта қусур!

Кузовкин. Ахир овозимнинг мазаси йўқ. Шукроналик хусусига келсақ, бошим гўрга киргунча миннатдорман, ўзимни қурбон қилишга ҳам тайёрман.

Тропачев. Сиздан ҳеч қандай қурбоиликни талаб

¹ Бу бир оз бачканалик. (*Франц.*)

қилаётганимиз йўқ... Ашула айтиб берсангиз бўлди.
Қани!

Кузовкин индамайди.

Бўла қолинг.

Кузовкин (*бир оз жим тургач, ашула бошлайди: «Кўча бўйлаб», бироқ иккинчи сўзда овози бўғилиб қолади*). Эпломайман, худо ҳаққи, қўлимдан келмайди.

Тропачев. Қани, қани, тортиманг.

Кузовкин (*унга тикилиб*). Йўқ, айтмайман.

Тропачев. Айтмайсизми?

Кузовкин. Қўлимдан келмайди.

Тропачев. Унда биласизми нима бўлади? Манави қадаҳдаги шампанскоени кўряпсизми? Шуни галстуғингизниг тагига қўйиб юбораман.

Кузовкин (*ташвишланиб*). Сиз бу ишни қилмайсиз. Бунга яраша гуноҳ қилганим йўқ. Ҳеч ким менга бу тахлит... Раҳм қилинг... Бу... шармандалик...

Елецкий (*Tropachevga*). Finisser¹... Кўряпсизми, у хижолат бўляпти.

Тропачев (*Кузовкинга*). Хўш, ашула айтишни хоҳламайсизми?

Кузовкин. Қўлимдан келмайди.

Тропачев. Хоҳламайсизми? (*Олдига келиб*.)
Бир...

Кузовкин (*Елецкийга ёлворади*). Павел Николаич...

Тропачев. Икки... (*Кузовкинга янада яқин келади*.)

Кузовкин (*орқасига тисарилар экан, умидсизликка тушиб, шикаста товуш билан*). Мурувват қилинг... Нега менга озор берасиз? Сизни ахир, танимасам... Ишнайкейин, ўзимам ҳар қалай зодагонларданман, буни бир ўйлаб кўринг... Қўшиқ айтмолмайман... Буни ўзиниз кўрдингиз...

Тропачев. Сўнгги марта...

Кузовкин. Бас қилинг, деяптилар... Мен сизга масхара бўлиб қолдимми?!

Тропачев. Гёё бу ишлардан тамоман бехабардексиз-а.

¹ Бас қилинг. (*Франц*)

Кузовкин (қизишиб). Сиз ўзингизга бошқа мас-
харабоз топинг.

Елецкий. Чиндан ҳам қўйинг уни.

Тропачев. Маъзур тутасиз, ахир у қайнатангиз
ҳаётлигидан масхарабозлик қиласарди-да.

Кузовкин. Ўтган ишга салавот. (*Башарасини ар-
тади.*) Шунисн ҳам борки, бугун иечукдир каллам
говлаб турибди.

Елецкий. Ихтиёр ўзингизда.

Кузовкин (матюс). Мендан аччигингиз чиқма-
син, Павел Николаич...

Елецкий. Хотиржам бўлинг! Хаёлингизга бу гап
қасрдан келди?

Кузовкин. Бошқа сафар, худо ҳаққи, бажону дил.
(*Хушчақчақ кўринишга тиришиб.*) Мендан ўтган бўл-
са... Ҳозир, лутфап кечиринг... Қизишиб кетдим, жаноб-
лар, иложим қанча... Қариб қолдим, бор гап шу... Яна
улфатчиликдан чиқиб ҳам қолганман.

Тропачев. Жуда бўлмаса, манави қадаҳни бўша-
тиб беринг.

Кузовкин (шодланиб). Бунисига бажону дил
кўнаман, жон-дилимдан кўтараман. (*Қадаҳни олиб,
ичади.*) Муҳтарам ва азиз меҳмоннинг соғлиғи учун...

Тропачев. Ашуланинг сира иложи йўқми?

Кузовкин (*ўзи шундоғам винодан боши айлануб
турган эди, ҳозирги қадаҳдан ва ўтиб кетган хавфдан
сўнг унинг бирдан кайфи оша бошлади*). Худо ҳаққи,
қўлимдан келмайди. (*Кулади.*) Рост, бир вақтлар ашу-
ла айтардим... айтгандаям дурустгина айтардим. Ҳа,
энди даврим ўтди. Ҳозир мен кимман? Ҳоксор бир
одамман. Ундан ортиқ-камим йўқ. (*Ивановни кўрсатиб
кулади.*) Ҳеч балога ярамайман. Э, айтганча, мени ке-
чиринглар. Кексайиб қолдим, ҳамма гап шунда... Мана,
мисол учун, қанча ичдим бугун? Бор-йўғи икки ё уч
рюмка, шунга (*бошини кўрсатади*) каллам говлаб
кетди.

Тропачев (Карпачов билан пицирлашиб олгач).
Сизга шундай кўриняпти, парво қилманг.

Карпачов кула-кула Петрии олиб чиқиб кетади.

Хўш, нима сабабдан ишингизни бизга охиригача
сўзлаб бермадингиз?

Кузовкин. А, айтмоқчи, ростдан ҳам гапим чала

қолди. Хулласи калом, мен тайёрман, буюрсангиз бас. (*Кулади.*) Лекин марҳаматингизни дариф тутманг... Ижозат этсангиз, ўтирсам. Негадир оёғим... ҳалиги... чалишиб қетяпти.

Тропачев (*унга стул беради*). Бош устига, ҳалиги нимайди, ҳа, ўтиринг.

Кузовкин (*томошибинларга юзланиб ўтиради ва тез қайфи ошиб, ланж, оҳиста гап бошлийди*). Ҳалиги, қаерда тўхтаган эдим? Ҳа, Гангинмester, Гангинmester—у немис, маълум. Унга нима! Озиқ-овқат соҳасида ишлаб-ишлаб, хўп ўғирлик қилди, кейин қарабсизки, вексель меники деб турибди-да, мен чакана одам эмасман, дворянинман. Ҳа, ҳалиги, нима демоқчи эдим? Бундай деди: ё тўла, ё мулкингга киргиз... ё тўла, ё мулкингга киргиз... ё тўла, ё мулкингга киргиз... ё...

Тропачев. И, ухлаяпсиз-ку, биродар, уйғонинг.

Кузовкин (*сапчиб тушади ва яна мудрай бошлийди. У энди аранг гапиради*). Қим? Мен-а? Кечира-сиз! Қаердан чиқди бу гап... Ҳай, бўлганча бўлди. Мен ухлаётганим йўқ. Одам деган кечаси ухлайди, ҳозир кундузи-ку. Ё кечасими-а? Мен Гангинmester тўғрисида гапирияпман... Гангинmester — ана шу Гангинmester... Гангинmester — менинг бирдан-бир душманим. Менга у-бу дейишади, мен бўлсан, йўқ, Гангин-mester, дейман. Ган-gинmester — менинг пайимни кесаётган шу.

Карпачов қофоздан қилинган катта қалпоқ кўтариб киради, Тропачев билан кўз уришириб олади-да, Кузовкиннинг орқасидан нусиб келади. Трембинский ичаги узилгудек қотиб-қотиб кулади. Иванов бўлса кути ўчиб, шалвираганча ер тагидан қараб туради.

Унинг мени кўргани кўзи йўқлигини биламан!!! Уша Ган-gинmesterning бутун умри бўйи менга фириб бериб келганиният биламан. Ёшлигимдан бошлаб оёғимга болта уради.

Карпачов қалпоқни аста Кузовкиннинг бошига кийгизади.

Бироқ, мен уни кечираман... Ҳаволаси худога... Ҳа, худодаи қайтсии.

Ҳамма хахолаб кулади. Кузовкин гапдан тўхтаб, ҳайрон бўлганча атрофига аланглаб қарайди. Иванов унинг олдига келиб, қўлидан чанглаб ушлайди ва ғижинниб: «Қарасанг-чи, бошинга нима кийга-ишид... ахир сени масҳарабоз қилишяпти-ку...» Кузовкин қўлини кўтариб бошига олиб боради ва қалпоқни пайпаслаб ушлайди, кейин қўлини оҳиста башарасига туширади, кўзини юма-

ди ва кўз ёши аралаш: «Гуноҳим нима, нима гуноҳ қилдим сизларга?!»—деб ғўлдираганча ўкраб йиглайди, бироқ бошидан қалпоқни олмайди. Тропачев, Трембинский ва Карпачовлар хахолаб кулишда давом этишади. Петр ҳам эшикдан мўралаб кулади.

Елецкий. Қўйинг-э, Василий Семенич, уялмайсизми, шу арзимаган ҳазилгаям обидийдами?

Кузовкин (*башарасидан қўлини олиб*). Арзимаган ҳазилми бу... Йўқ, ҳазил эмас бу, Павел Николаич... (*Ўрнидан туради ва қалпоқни бошидан олиб ерга ташлайди.*) Келишингизнинг биринчи куни-я... биринчи куни... (*Овози қалтирайди.*) Кекса одамни бу кўйга солар экансиз-да... кекса одамга ҳурматингиз шуми, Павел Николаич?! Яшанг! Қайси гуноҳим учун мени лойга булайсиз? Сизга нима қилдим? Кечирасиз! Сизни кўзим тўрт бўлиб кутиб, бошим осмонга етган эди-я... Қайси гуноҳимга, Павел Николаич...

Тропачев. Бўлди, бас қилинг... бунча нола қилдингиз?

Кузовкин (*ранги ўчиб, жаҳли чиқиб*). Мен сизга гапираётганим йўқ... Мени калака қилишга сизга изн бериб қўйишиди, бундан сиз хурсандсиз. Сизга гапиряпман бу гапларни, Павел Николаич. Раҳматлик қайнатангиз бир бурда нон ва эски этик эвазига мени хумордан чиққунча калака қиласди, сизнинг кўнглингиз ҳам шуни тиладими? Рост, унинг совфалари бурнимдан булоқ бўлиб чиқсан. Хўш, сизнинг ҳам унга ҳавасингиз келдими? Эҳ, Павел Николаич! Уят, уят, отахон!.. Тагин саводхон, Петербургдан келган одамсиз-а...

Елецкий (*кеектайиб*). Менга қаранг, ҳаддингиздан ошяпсиз. Ҳужрангизга бориб ётиб ухланг. Сиз мастсиз... Оёқда зўрға турибсиз.

Кузовкин (*тобора ақлидан адашиб*). Мен ётиб ухлайман, Павел Николаич, ётиб ухлайман... Балки мастдирман ҳам... лекин менга ким ичирди? Гап бунда эмас, Павел Николаич. Сиз мана бу гапга эътибор қилинг. Сиз биринчи келган кунингизоқ ҳамманинг кўзи олдида кулги қилдингиз, лойга топтадингиз... борди-ю, мен бор гапни очиб ташласам-чи...

Иванов (*шивиirlab*). Эсингни йиғ, Василий.

Кузовкин. Жим тур! Қани, марҳаматли хўжам, очиб ташласам-чи.

Елецкий. Э! У бутунлай маст-ку! Оғзидан чиқсан гапни ўзиям билмайди.

Кузовкин. Афв этасиз... Мен мастман, лекин ни-ма деяётганимни биламан. Мана, сиз ҳозир катта тўра-сиз. Петербурглик амалдорсиз, савод ҳам чиқаргансиз, албатта... Мен-чи, мен масхарабозман, аҳмоқман, бисо-тимда сариқ чақа ҳам йўқ, гадойман, текинхўрман... ана билдингизми, мен кимман? Мана, сиз уйландингиз? Хўш, кимга уйландингиз, а?

Елецкий (*Тропачевни олиб кетмоқчи бўлади*). Маъзур тутасиз, бундай бемаънилик бўлар деб ўйла-магандим...

Тропачев. Мен ҳам, лекин мен айборман, бўй-нимга оламан...

Елецкий (*Трембинскийга*). Илтимос, олиб кетинг уни... (*Меҳмонхонага кетмоқчи бўлади*).

Кузовкин. Шошманг, марҳаматли жаюб... Сиз менга ҳали кимга уйланганингизни айтганингиз йўқ...

Меҳмонхона эшигига Ольга кўринади ва ҳанг-манг бўлиб тўхтаб қолади. Эри, унга, кет, деган ишора қиласди. Лекин Ольга тушунмайди.

Елецкий (*Кузовкинга*). Боринг, боринг...

Трембинский (*Кузовкиннинг олдига келиб, уни қўлидан ушлайди*). Юринг.

Кузовкин (*уни итариб*). Тортма мени! (*Елецкий-нинг орқасидан*) Сиз, тўрам, таниқлик одамсиз, а, рост эмасми? Сиз Ольга Петровна Коринага уйлангансиз... Коринлар деган фамилия ахир ғалати, хашаки фамилия-ку... биласизми, Ольга Петровна ким? У... у менинг қизим!

Ольга ғойиб бўлади.

Елецкий (*худди яшин ургандек таққа тўхтаб*). Сиз... Сиз ақлдан озибсиз...

Кузовкин (*бир оз жим тургач, бошини чангаль-лайди*). Ҳа, ақлдан озибман...

Қоқила-суқила чопиб чиқади. Орқасидан Иванов отилади.

Елецкий (*Тропачевга*). У жинни бўп қопти...

Тропачев. Ў... ў... бўсам-чи!

Икковлари аста меҳмонхонага юришади. Трембинский билан Карпачов бир-бирларига ҳайрон бўлиб тикилишади.

Парда тушади

Иккинчи кўриниш

Воқеа эски услубда безатилган ҳашаматли меҳмонхонада ўтади. Ўнг томонда залга кириладиган эшик, чап томондагисидан Ольга Петровнанинг кабинетига кирилади. Ольга диванда ўтирибди, ёнида Прасковья Ивановна тик турибди.

Прасковья Ивановна (*андак сукутдан сўнг*). Қани, ойимпошша, буюринг, хизматингизга қизлардан қайси бирини оласиз?

Ольга (*тақатсизланиб*). Хоҳлаганингни беравер.

Прасковья Ивановна. Акулина филай, лекин жуда боодоб қиз, Марчукнинг қизи Марфаям ундан қолишмайди, шуларни оласизми?

Ольга. Майли. Айтмоқчи, анави кўҳликкина... Ҳаво ранг кўйлакли қизнинг... оти нима?..

Прасковья Ивановна (*ажабланиб*). Ҳаво ранг кўйлакли... Ҳа, топдим! Сиз Машкани сўраётган чиқарсиз. Ихтиёр сизда, лекин шунақанги шўхки, азбаройи шифо, унақаси кам бўлади! Ҳеч кимга бўй бермайди, хулқиям чатоқроқ. Тағин ўзингиз биласиз.

Ольга. Унинг афт-ангори менга маъқул бўлди, аммо енгилтак бўлса...

Прасковья Ивановна. Енгилтак, жуда енгилтак. Тўғри келмайди. У сариқ чақагаям арзимайди. (*Пича ўйлаб.*) Бай-бай-бай, ойимпошша, кўз тегмасин, жуда очилиб кетибсиз-да! Ойингиз раҳматликнинг ўзи бўлибсиз-қўйибсиз! Кўзимиз қувончисиз... Қараб тўймаймиз... Марҳамат қилиб қўлчангизни беринг, ойимпошша...

Ольга. Хўп яхши, Прасковья, энди бора қол.

Прасковья Ивановна. Жоним билан. Лекин бирор нарса керак эмасми?

Ольга. Йўқ, ҳеч нарса керак эмас.

Прасковья Ивановна. Ихтиёрингиз. Бўлмаса Акулина билан Марфага тайинлаб қўяман...

Ольга. Яхши, бор. (*Прасковья кетмоқчи бўлади.*) Айтгандек, Павел Николаичга хабар қил, уни кўришим керак...

Прасковья Ивановна. Жоним билан. (*Кетади).*

Ольга (*ёлғиз*). Бу қанақа гап? Кеча қулоғимга қандай гап чалинди?.. Туни билан мижжа қоққаним ўй. Анави чол ақлдан озибди... (*Ўрнидан туриб, у ёқ-*

бу ёққа юради.) «У менинг қизим...» Ҳа, ҳа, айнан шу гап. Ахир бу тентаклик-ку... (*Tұхтайди.*) Paulning ҳали ҳеч гапдан хабари йўқ... Ана, ўзи ҳам келяпти.

Елецкий киради.

Елецкий (*унинг олдига ташвишли қиёфада келиб*). Мени йўқлатибсанми, Оля?

Ольга. Ҳа... Сенга бир илтимосим бор эди... Боддаги кўл ёнидаги йўлкани ўт босиб кетибди... Уйнинг олдини тозалашибди-ю, у ерни унутиб қўйишибди... Буюр, тозалашсин.

Елецкий. Буюрдим.

Ольга. Шунақами?! Миннатдорман... Яна шуниям буюргинки, сиғирларимнинг бўйнига тақиш учун шаҳардан қўнғироқчалар сотиб олишсин...

Елецкий. Ҳаммаси бажо қилинади. (*Кетмоқчи бўлади.*) Бошқа ҳеч қандай кўрсатма йўқми?

Ольга. Нима қилди... Ишинг борми у ёқда?

Елецкий. Идорадан счёtlарни олиб келишди.

Ольга. Шунақами?! Ундай бўлса, сени ушламайман. Тушликдан олдин ўрмон ёқасига бориб бир айланаб келармиз-а?..

Елецкий. Албатта... (*Яна кетмоқчи бўлади.*)

Ольга (*у эшик олдига боргунча қараб туриб*). Paul.

Елецкий (*ўғирилиб*). Нима?

Ольга. Менга гапириб бер... кеча сўрашга қўлим тегмади. Нонушта вақтида қандай можаро чиқди орангизда?

Елецкий. Ҳа! Ҳеч нарса. Шундоқ бўлиб қолди. Алам қиладигани шуки, биз келган куни шу қўнгилсизлик юз берди. Очиги, бунга қисман мен айборман. Анави, чол Кузовкинни ичириб маст қилмоқчи бўлдик, аниқроғи, бу фикр қўшнимиз, биласан-ку, мсье Тропачевдан чиқди. Чиндан ҳам чол аввалига кайфимизни чоғ қилди, валақлади, ҳар балоларни гапирди, кейин шовқин кўтариб, алжишга тушди; ҳечқиси йўқ... Гапиришгаям арзимайди.

Ольга. Шунақами?! Менга бўлса...

Елецкий. Э, йўқ, йўқ... Бундан кейин эҳтиёт бўлиш керак. Энг яхшиси шу. (*Бир оз ўйлаб.*) Айтгандек, менchorасини кўриб қўйдим...

Ольга. Ростдан-а?

Елецкий. Ҳа. Биласанми, бу арзимаган иш бўлса

ҳамки, барибир одамлар кўрди... эшилди. Туппа-тузук хонадонда бундай ишининг бўлиши яхши эмас. Шуни назарда тутиб кўрсатма бердим.

Ольга. Қандай кўрсатма бердинг?

Елецкий. Мен... ҳалиги, биласанми?.. Мен у чолга, сен можаро деб атаган кечаги дилсиёҳликдан кейин, бизнинг ўйимизда қолишингиз сизнинг ўзингиз учун кўнгилсиз бўлади, деб тушунтирдим. У дарҳол гапимга тўла-тўкис қўшилди; ахир кайфи тарқаб кетган-да... Албатта у камбағал, тирикчилигини ўтказолмайди... Шуни эътиборга олиб, унга сенинг бирор қишлофингдан ҳужра ажратиб бериб, маош ва хўрак тайинлаш мумкин... Унинг кўнглидагидек иш бўлади... уни ҳеч нарсага зориқтиришмайди.

Ольга. Поль, назаримда, сен арзимаган нарса учун уни... ҳаддан ортиқ жазолаяпсан... У бу ерда жуда кўпдан бери туради... Үрганиб қолган... мени қиз болалигимдан билади... Рост, уни шу ерда қолдирса ҳам бўлади.

Елецкий. Оля... йўқ... бу ерда бошқа гап бор... Албатта чолдан қаттиқ гина қилмаса ҳам бўлади... боз устига, миясиям жойида эмасди... бироқ ҳар қалай, бу ишни менга қўйиб бер... Такрор айтаман, бу ерда бошқа гап бор... Муҳим гап...

Ольга. Ўзинг биласан.

Елецкий. Дарвоқе, йўлга ҳозирланиб турибди у.

Ольга. Лекин у мен билан хайрлашмай кетмас?

Елецкий. Менимча, у хайрлашгани келади. Борди-ю, кўнглингга ёқмаса, уни қабул қилмаслигинг ҳам мумкин.

Ольга. Аксинча, мен у билан суҳбатлашишга орзумандман.

Елецкий. Ихтиёринг, Оля... аммо мен маслаҳат бермасдим... Юрагинг ачишади, ҳар қалай у чол, сени ёшлигингдан билади... Очифини айтсам, фикримни ўзгартириш иниятим йўқ...

Ольга. Э, йўқ, қўрқма... Чинини айтсам, хайрлашмай кетиб қоладими деб хавотирдаман... Барака топ, айт, хабар олишсин, кетдими, йўқми?

Елецкий. Ҳозир. (*Кўнгироқ чалади*). Vous êtes jolie comme un ange, awourd hui.¹

¹ Бугун фариштадек чиройлисиз (франц.)

Петр (*кириб*). Хизмат, буюрсилар!

Елецкий. Қани, бориб билиб кел-чи, биродари азиз, Кузовкин кетибдими-йўқми? (*Ольгага тикилиб*.)
Келиб хайрлашиб кетсин.

Петр. Бош устига. (*Кетади*.)

Ольга. Поль... Сенга бир ўтингчим бор.

Елецкий (*ширинсўзлик билан*). Майли, айт...

Ольга. Менга қара... Ўша Кузовкин келгач... менинг билан холи қолдир.

Елецкий (*бир оз сукут сақлаб, совуққина тиржабийб қўяди*). Менимча... унда сенга... поқулай бўлади.

Ольга. Йўқ, гапимни ерга ташлама, унда ишим бор... Ундан сўрашим керак... Ҳа, мен у билан холи гаплашмоқчиман.

Елецкий (*унга қаттиқ тикилиб*). Сен... кеча... бирор нарсани...

Ольга (*эрига бегараз тикилиб*). Нима?

Елецкий (*шоша-пиша*). Ҳай, ўзинг биласан, таъбинг... Ана, ўзи ҳам келяпти щекилли.

Кузовкин киради. Ранги докадек оқ.

Ольга. Салом, Василий Петрович...

Кузовкин индамай таъзим қиласди.

Саломатмисиз. (*Елецкийга*.) Eh binn, montem? Je vous en prie.¹

Елецкий (*хотинига*). Oui, oui.² (*Кузовкинга*.)

Сиз йўл тараффудуни батамом кўриб қўйдингизми?

Кузовкин (*бўғиқ овозда, базур*). Ҳа, батамом.

Елецкий. Ольга Петровнанинг сизда икки оғиз гапи бор экан... сиз билан хайрлашмоқчи... Сиз, бирор нарса керак бўлса, ҳеч тортинмай унга айтаверинг. (*Ольгага*) Ау гевоір...³ Ахир сен бу билан узоқ қолиб кетмассан?

Ольга. Билмайман... узоқ қолмасам керак.

Елецкий. Ундай бўлса, яхши... (*Залга чиқиб кетади*.)

Ольга (*диванга ўтириб, Кузовкинга курсини кўрсатади*). Ўтилинг, Василий Петрович...

Кузовкин таъзим қиласди, лекин ўтирмайди.

¹ Қани, дўстим? Сўрайман (франц.).

² Ҳўп, хўп. (Франц.)

³ Хайр. (Франц.)

Ўтиринг, илтимос қиласман.

Кузовкин ўтиради, Ольга бир муддат гапни нимадан бошлашни билмайди.

Эшитишимча, кетаётган эмишсиз?..

Кузовкин (*ерга қараб*). Шундай.

Ольга. Менга Павел Николаич айтди... Ишонинг, бундан мен жуда хафа бўлдим...

Кузовкин. Ташибиш чекманг... Кўп миннатдорман...

Ольга. Сиз... янги жойда ҳам яхши, ҳатто бу ердагидан яхшироқ яшайсиз... Кўнглингиз тўқ бўлсин... мен тайинлаб қўяман.

Кузовкин. Кўп миннатдорман! Билиб турибман, бупдай марҳаматга лойиқ эмасман. Бир бурда нону, каталакдек жой бўлса бўлди... ортигининг кераги йўқ менга. (*Андак сукутдан сўнг, ўрнидан туради*.) Энди, ижозатингиз билан хайрлашайлик... Гуноҳ иш қилиб қўйдим... Кечиринг миёси ачиган чолни...

Ольга. Мунча шошмасангиз... Сабр қилинг.

Кузовкин. Майли, сиз айтгандек бўла қолсан. (*Яна ўтиради*.)

Ольга (*бир оз ўйлаб*). Менга қараанг, Василий Петрович... очиғини айтинг-чи, кеча эрталаб сизга нима бўлди ўзи?

Кузовкин. Гуноҳкорман, Ольга Петровна, катта гуноҳ қилиб қўйдим.

Ольга. Ахир сиз қандай қилиб...

Кузовкин. Барака топинг, Ольга Петровна, суриштируманг... Фойдаси йўқ. Катта гуноҳ қилганим рост. Павел Николаич жуда тўғри қиляптилар. Менга бундан баттарроқ жазо бериш керак эди... Бошим гўрга киргунча дуоларини қиласман.

Ольга. Очиғини айтсан, катта гуноҳ иш бўлганини мен кўрмаяпман... Сиз ёшингиз ўтиб қолган одамсиз... Чамаси, винодан чиқиб қолган кўринасиз, бир оз ғовфа чиқарган бўлсангиз...

Кузовкин. Йўқ, Ольга Петровна, мени оқламанг. Икки қўлимни кўксимга қўйинб, таъзим қиласман, гуноҳим ўзимга маълум.

Ольга. Балки сиз, эримга ёки Рогачевга қаттиқ ботадиган бирор сўз айтгандирсиз?..

Кузовкин (*бошини эгуб*). Гуноҳкорман.

Ольга (*ҳаяжонланиб*). Менга қаранг, Василий Петрович, оғзингиздан чиққан сўзларни яхши эслайсизми?

Кузовкин (*чўчиб тушибди, Ольгага тикилиб, босиқ гапиради*). Қайдам... қайси сўзларни?..

Ольга. Сиз алланарса деганмисиз...

Кузовкин (*ошиқиб*). Ёлғон сўзлаб эдим, Ольга Петровна, бутунлай ёлғон гапни айтгандим. Оғзимга келганини қайтармабман. Гуноҳкорман. Ақлим жойида эмасди.

Ольга. Бироқ... бу гап каллангизга қаердан кела қолди...

Кузовкин. Ким билсин. Телбалик бу. Тан оламан, ичкиликдан қайтибман. Ичиб олгач, эсимни йўқотиб қўйибман. Худо билсин, нималар деб алжидим. Шуна-қа бўлиб туради ўзи. Хулласи калом, ҳаммасига ўзим гуноҳкорман, қилмишимга яраша жазойимни тортдим. (*Ўрнидан турмоқчи бўлади.*) Ижозатингиз билан хайрлашсан энди Ольга Петровна... Ўтинаман, ёмон одам эди деб эсламанг.

Ольга. Мен шунисига иқрорманки, сиз мен билан очиқ гаплашишни истамаяпсиз. Мендан қўрқманг... Ахир мен Павел Николаич эмасман-ку... Майли, ундан ҳайиқасиз, деб гумон қилайлик... Сиз уни билмайсиз... Кўриниши шунақа ўзи — қаҳрли, мендан нега энди чўчиисиз... Ахир сиз мени болалигимдан биласиз-ку.

Кузовкин.. Ольга Петровна, қалбингиз фариштадарникидек пок... Бечора чолга шафқат қилинг.

Ольга. Афв этасиз! Мен, аксинча, истардимки...

Кузовкин. Менга болалигингиҳини эслатманг... шундоғам юрагим туз сепгандек ачишяпти... Оҳ, қандай оғир-а! Қариган чоғимда уйингиздан ўз айбим билан бош олиб кетмоқдаман...

Ольга. Менга қаранг, Василий Петрович, дардингизга даво топса бўлади... бироқ мен билан ошкора гаплашинг... Гапимга қулоқ солинг... мен... (*Тўсатдан ўрнидан туради ва сал четга чиқади.*)

Кузовкин (*орқасидан тикилади*). Безовта бўлманг, Ольга Петровна, қўйинг, арзимайди. Мен ўша ерда ҳам ҳақингизга дуо қиласман. Сиз аҳён-аҳёnda мени эсга олиб қўйинг, чол Василий Кузовкин менга садоқатли одам эди, денг...

Ольга (*яна Кузовкинга мурожаат қилиб*). Василий

Петрович, сиз чиндан ҳам менга содик одаммисиз, чиндан ҳам мени яхши кўрасизми?

Кузовкин. Эҳ, ойимпошша, ўл денг, ўлишга тайёрман.

Ольга. Йўқ, мен сизга ўлимни раво кўрмайман, мен ҳақиқатни хоҳлайман, бор гапни билишни истайман.

Кузовкин. Хўп бўлади.

Ольга. Мен... мен сизнинг сўнгги сўзларингизни эшитиб қолдим.

Кузовкин (*тутила-тутила*). Қайси... сўзимни?..

Ольга. Мен... ҳақимда айтган сўзингизни.

Кузовкин ўрнидан туради ва тиз чўкади.

Шу гап ростми?

Кузовкин (*дудуқланиб*). Узр, олиҳимматлик билан кечиринг мени... Телбалик — ахир сизга айтдим-ку... (*Овози бўғилиб қолади*.)

Ольга. Йўқ, сиз менга бор гапни очиқ айтишни истамаяпсиз.

Кузовкин. Телбалик, Ольга Петровна, кечиринг...

Ольга (*уни қўлидан чангаллаб*). Йўқ, йўқ... худо ҳаққи... худони ўртага солиб сўрайман... ўтинаман, айтинг, шу гап ростми? Ростми?

Жимлик.

Нега мени қийнайсиз?

Кузовкин. Хуллас, сиз ҳақиқатни билмоқчимисиз?

Ольга. Ҳа. Айтинг, шу ростми?

Кузовкин бошини кўтариб Ольгага тикилади... Ичидагаттиқ кураш кетаётгани башарасидан зоҳир... У бирдан бошини қуйи солиб, шивирлайди: «Рост». Ольга тезгина унинг ёнидан жилади ва қотиб қолади... Кузовкин башарасини қўллари билан яширади. Залнинг эшиги очилиб, ичкарига Елецкий киради. У ҳалигача тиз чўкиб ўтирган Кузовкинни пайқамай хотинининг олдига келади.

Елецкий. Хўш, гаплашиб олдингми? (*Ҳанг-манг бўлиб тўхтайди*.) A voilà, je vous ai det...¹ Мана эпди у узр сўраяпти.

Ольга. Поль, бизни холи қўй...

Елецкий (*ҳайрон бўлиб*). Mais, mo chire...²

¹ Ана, айтмадимми (*франц.*).

² Ахир, жонгинам (*франц.*).

Ольга. Утинаман, ёлбораман, холи қолдир...

Елецкий (бир оз ўйлаб). Ихтиёринг... бироқ умид қиласанки... бу жумбоқни менга тушунтириб берасан...

Ольга калласини лиқиллатиб розилик ишорасини қиласди. Елецкий оҳиста чиқади.

Ольга (тез-тез юриб залнинг эшиги олдига боради ва уни қулфлаб ҳамон тиз чўкиб ўтирган Кузовкиннинг ёнига қайтади). Туинг... туинг деяпман сизга.

Кузовкин (туради). Ольга Петровна... (Чамаси, у нима дейишни билмайди.)

Ольга (унга диванни кўрсатиб). Ўтиринг бу ерга.

Кузовкин ўтиради. Ольга сал нарироқда унга ўгирилиб туради.

Василий Петрович... менинг аҳволимни тушунасизми?

Кузовкин (заиф товушда). Ольга Петровна, кўриб турибман... Рост, мен ақлдан озганман. Илтифот қилиб мени қўйиб юборинг, йўқса яна бир балони бошлайман... Нима деётганимни ўзимам билмайман.

Ольга (ҳаллослаб). Йўқ, овора бўлманг, Василий Петрович. Фишт қолипдан кўчди. Энди сиз гапингиздан тонолмайсиз... Сиз ҳамма гапни менга айтишингиз керак... бор ҳақиқатни.

Кузовкин. Ахир мен...

Ольга (шоша-пиша). Мен сизга қайта-қайта гапиряпман, менинг аҳволимни тушунсангиз-чи, ўзингизнинг ҳам... Ёки ойимга тухмат қилдингизми, у ҳолда ҳозироқ йўқолинг ва қорангизни ҳам кўрсатманг... (У эшик тутқичига қўл чўзади... Кузовкин ўрнидан турмоқчи бўлади-ю, лекин яна ўтириб қолади.)

Кузовкин (диққат бўлиб). Ё парвардигор!

Ольга. Мен ҳаммасини билишни хоҳлайман... Сиз менга бутун гапни гапириб беришингиз керак... Эшигингизми?

Кузовкин (умидсизланиб). Ҳа, ҳа, албатта... Сиз ҳаммасини билиб оласиз... бошимга шундай фалокат тушгач, иложим қанча... Бироқ, Ольга Петровна, менга бундай тикилманг... бўлмаса мен... рост... бардош беролмайман...

Ольга (жилмайшига уриниб). Василий Петрович, мен...

Кузовкин (бўшашибгина). Мени... мени Василий Семенич дейишади, Ольга Петровна...

Ольга шолғомдек қизариб кетади ва билинар-билинмас кифтини учирив қўяди. У ҳамон Кузовкиндан нарироқда туради.

Хўш... начора... гапириб беришни талаб қиляпсизми?..

Ольга (қизариб, саросимага тушиб). Василий Семенич, ихтиёрингиз... Токи мен...

Кузовкин (*ўпкаси тўлиб*). Сиз бундай қилсангиз мен гапиролмайман.

Ольга (*унга қўлни чўзиб*). Тинчланинг... гапиринг... Аҳвол-руҳиямни кўриб турибсиз-ку... Ўзингизни қўлга олинг.

Кузовкин. Хўп бўлади, ойимпошша, Ольга Петровна. Хўш, айтинг, нимадан бошлай. Ё раббий!.. Ҳа, дарвоқе, мана бундай. Ижозат этсангиз, даставвал, ўзим хақимда икки оғиз ҳикоя қиласман. Хўп, ҳозир, ҳозир... Йигирмалардан сал ошган эдим... Айтиш мумкинки, камбағал оиласда туғилганман, кейинчалик, мен сизга айтсам, бегуноҳдан-бегуноҳ сўнгги бурда нон-насибамдан маҳрум бўлганман... Дарвоқе, ҳеч қандай тарбия кўрмаганман... Падарингиз раҳматлик...

Ольга сапчиб тушади.

жойи жаннатда бўлсин!.. Менга раҳмилари келиб, бирор иш топиб бергунимча менинг уйимда яшаб тур, дедилар, бўлмаса ўлиб кетардим. Шундай қилиб падарингизнинг уйига келиб қолдим. Турган гапки, хизмат топиш ўлимдан қийин эди, шу кўйи ўша ерда қолиб кетдим. Падарингиз у вақтларда бўйдоқ эдилар, орадан икки йилча ўтгач, ойингизга совчи қўйдилар ва уйландилар. Шундан кейин бирга тура бошлашди... икки ўғил кўришди, лекин кўп ўтмай улар қазо қилишди. Сизга очиғини айтсам, Ольга Петровна, раҳматлик падарингиз қайсар одам эди, азбаройи худо, бунақаси кам бўлади! Қўлиям югурдак эди, жаҳли чиққанда ўзини ўйқотиб қўярди. Ичкиликният яхши кўрарди. Ҳар қалай яхши одам эди. У менинг валинеъматим эди. Ҳуллас, аввалига у, яъни падарингиз, раҳматлик ойингиз билан иноқ яшади... Бироқ бу узоққа бормади. Ойингиз раҳматлик, жойи жаннатда бўлсин!.. Мен сизга айтсам, фариштадек покиза, ҳусни баркамол аёл эди... Нимаям дердик! Тақдир! Ўша пайтда ёнимизга бир хотин кўчиб келди... Падарингиз бирдан унга илашиб қолса бўладими... Ольга Петровна, мени олиҳимматлик билан кечиринг, борди-ю мен...

Ольга. Давом этинг.

Кузовкин. Ахир буни ўзингиз талаб қилдингиз-ку. (*Башарасини силайди.*) Ё парвардигор, мен гуноҳкор бандангни ўз паноҳингда асра! Шундай қилиб, падарингиз ўша қўшни хотинга ўралалиб қолди, худоё дўзахда куйсин у! Уникига худонинг берган куни қатнай бошлади, аксари вақтлар кечаси уйга қайтмай қўйди. Ишлар чаппасига кетди. Ойингиз баъзан уззукун мум тишлагандек чурқ этмай ёлғиз ўтирас, гоҳо кўз ёши қиласр эди... Мен, турган гапки, ёнида ўтирасидим, юрак-бағрим эзилиб хун бўлса ҳамки, тишимни тишимга қўярдим, лом-мим деёлмасдим. Менинг алмойи-алжойи сўзларим унинг ярасига малҳам бўлармиди, деб ўйлардим! Бошқа қўшни помешчиклар ҳам падарингизнига ўлганларининг кунидан келишарди, у ўзининг такаббурлиги билан уларни уйингиздан бездирган эди, шу важдан ойингиз шўрлик дардлашиб кўнгил очай деса, дардлашадиган одами йўқ эди... Боёқиши баъзида дераза олдида йўлга, далага кўз тикиб ўтирасди, китобам ўқимасди. Бу вақтга келиб, сабаби ёлғиз худога аён! Падарингизнинг феъли айниб кетди. Ҳеч ким оғир ботадиган бир оғиз сўз айтмаса ҳам ўзидан-ўзи тажанг бўлаверарди. Қаҳри қаттиқ бўлиб қолди! Қизифи шуки, ойингизга рашк қиладиган одат чиқарди, ё худо, рашк қилишга одам бўлсаям майли эди! Ўзи жўнаб қоларди-ю, уни қамаб кетарди, тавба! Арзимаган нарсага ям ғазаби жўш уради. Ойингиз унинг олдида ўзини қанча хоксор тутса, у шунча жаҳлга минарди. Ниҳоят, ойингиз билан бутунлай гаплашмай қўйди, ундан юз ўғирди! Эҳ, Ольга Петровна! Ольга Петровна! Ўшанда ойингиз ғамдан адойи тамом бўлди! Сиз уни эслолмайсиз, Ольга Петровна, у бандаликни бажо келтирганда, қўзичогим, сиз жуда кичкина эдингиз. Бундай кўнгилчан аёл ҳозир бутун ер юзида топилмаса керак. Падарингизни жон-дилидан севар эди-я! Падарингиз унга қарамасдиям, у бўлса менга яккаш у ҳақда гапираварди, қандай қилиб ёрдам берсам экан, қандай қилиб кўнглини олсан экан, деб ўйларди. Кунлардан бир куни падарингиз бирдан сафарга отланиб қолди. Қаёқ-қа денг? Иш билан Москвага кетяпман, ёлғиз ўзим, деди, қаёқда ёлғиз, биринчи қўналғадаёқ қўшни хотин уни кутиб олган. Шу тахлит улар бирга жўнашди ва олти ой дом-дараксиз кетишди, олти ой-а. Ольга Петровна! Падарингиз бу вақт ичида уйга биттаям

хат ёзмади! Бир куни лоп этиб кириб келди, қовоғидан қор ёғади денг, тажанг... Кейин билсак, қўшни аёл уни ташлаб кетган экан. У ўз хонасига қамалиб олди, қо-расиниям кўрсатмайди денг. Бундан ҳамма таажжубга тушди. Раҳматлик ойингизнинг охири сабр косаси тўлди... чўқинди-да — боёқиши ундан юрак олдириб қўйган эди! Ёнига кирди. Уни ширии сўз билан йўлга солмоқчи бўлган экан, у бақириб берибди ва таёқ олиб... (*Кузовкин Ольгага тикилади.*) Гуноҳкорман, Ольга Петровна.

Ольга. Чин гапни сўзлаяпсизми, Василий Семенич?

Кузовкин. Ёлғон сўзласам, турган еримда художонимни олсин.

Ольга. Давом этинг.

Кузовкин. Шундай қилиб у... Эҳ, Ольга Петровна, у ойингизни сўз билан ҳам, бошқа йўллар билан ҳам қаттиқ таҳқиrlади... Раҳматлик гўё ақлдан озгандаи ўз бўлмасига югуриб келди, падарингиз бўлса, одамларга бақириб-чақириб узоқ далага чиқиб кетди... Шумажал... ўша... иш... (*Овоза заифлашади.*) Гапиролмайман, Ольга Петровна, худо ҳаққи, тилим бормайди.

Ольга (унга қарамай). Гапириш. (*Андак жимликдан кейин, тоқати тоқ бўлиб.*) Гапириш!

Кузовкин. Хўп бўлади, Ольга Петровна. Айтиши мумкини, қаттиқ ҳақоратдан ойингиз раҳматлик ақлдан озди... Касал бўлиб қолди... Шундоққина кўз олдимда турибди... У бутлар қўйилган хонага кириб, бутлар олдида бир оз турди, чўқинмоқчи бўлиб қўлни сал кўтарди-ю, бирдан орқасига ўгирилиб, қайтиб чиқди... Ҳатто қиқирлаб кулиб қўйди... Шайтон ҳар қалай уни ҳам йўлдан урди. Унга қараб, юрагим орқасига тортиб кетди. Овқат маҳали туз тотмадилар, менга тикилганча индамай ўтирилар... Кечқурун эса... Кечқурулари, Ольга Петровна, худди шу хонада ёлғиз менгина у билан ўтирадим, зериксак гоҳо карта ўйнардик ёки бир оз гаплашиб ўтирадик... Хуллас, ўша куни кечқурун... (*У бўғилади.*) Узоқ вақт лом-мим деб оғиз очмаган раҳматлик ойингиз бирдан менга сўз қотди... Мен, Ольга Петровна, ойингизга сигинишгаям тайёр эдим, ойингизни севардим... У менга шундай деди: «Василий Семенич, биламан, сен мени севасан, у бўлса мендан жирканади. У мени ташлаб кетди, ҳақорат қилди... Энди мен ҳам шундай қиласман...» Раши

жу аламдан, чамаси, у эс-ҳушидан ажраб қолган эдӣ. Ольга Петровна, у ўзини бутунлай йўқотиб қўйди... Мен-чи... мен ҳеч нарсани билмай қолдим, бошим гиргир айланади... шунаقا... эслашнинг ўзидан одамни ваҳм босади, ўша кеч, у тўсатдан менга... Ойимпошша, Ольга Петровна, мен чолга раҳм қилинг. Гапиролмайман... Тилим кесилгани минг марта яхши!

Ольга индамай юзини ўгиради, Кузовкин унга тикилганча, дадил давом этади.

Эртаси куни, Ольга Петровна, ўйлаб кўринг-а, уйда бўлмадим, эрта саҳардаёқ ўрмонга қочиб кетдим. Орадан бир кун ўтгач, ҳовлига сакбон от чоптириб келди... Нима гап? Барин отдан ийқилиб ўзини билмай ётиби... Эртасига, Ольга Петровна, қулоқ солинг-а, эртасига!.. Ойингиз каретага тушиб унинг олдига кетдилар... У қирқ чақирим нарида -- даштдаги бир қишлоқчада руҳонийнинг уйида ётган экан... Шўрлик ҳар қанча ошиқмасин, уни тирик кўролмабди... Ё раббий! Бизлар энди у жинни бўлиб қолади, деб ўйладик... Сиз дунёга келгунча сирқовланиб юрди, кейин ҳам тузалмади... Ўзингиз биласиз... ёруғ жаҳонда оз умр кўрди... (*У бошини қўши солади.*)

Ольга (*узоқ сукунатдан кейин*). Бундан чиқди... мен сизнинг қизининг эканман-да... Бироқ, қандай далиллар бор?..

Кузовкин (*жонланиб*). Далилми? Афв этинг, Ольга Петровна, қанақа далил? Менда ҳеч қандай далил йўқ! Бунга ҳад бормиди менда! Башарти кечаги баҳтсизлик бўлмаганда, ўлим тўшагида ётганимда ҳам чурқ этмасдим, тўғрироғи, тилимни суғуриб олардим! Кеча тил тортмай ўлмаганимга ҳайронман! Маъзур тутинг! Кечаги кунгача биронта одам, Ольга Петровна, афв этинг-ку... Ҳатто ўзим ёлгиз қолган чоқларимда ҳам буни ўйлашга ботинолмасдим. Отангизнинг... вафотидан кейин, бош олиб чиқиб кетмоқчи бўлдиму, айбимга иқрорман, журъат этолмадим — қашшоқликдан, муҳтоҷликдан қўрқдим. Кетмай қолдим, гуноҳкорман... Бироқ ойингиз раҳматлик тириклигига гапириш у ёқда турсин, оғиз очишга ҳам қўрқардим, Ольга Петровна. Далил дейсиз-а! Дастлабки ойларда ҳатто ойингизни кўрганим ҳам йўқ, улар ўз хоналаридан чиқмай қўйгандилар, ёnlарига оқсоқ Прасковья Ива-

новнадан бошқа ҳеч кимни қўймасдилар... кейин эса... кейин уни рўйирост кўрдим, лекин худо шоҳид, башара-сига қарашга юрагим дов бермади... Далил! Кечиринг мени, Ольга Петровна, ахир мен қандайдир шум ният ёки аҳмоқ эмасман, ўз ўрнимни биламан. Башарти ўзингиз қийин-қистоққа олмаганингизда... Хижолат чекманг, Ольга Петровна, афв этинг... Нимадан ташвишга тушяпсиз? Далил нима қилсин! Сиз мен қари аҳмоқнинг сўзларига ишонманг... Ҳамма гапим ёлғон... Рост, баъзан оғзимдан нима чиққанини билмайман... Эсим, ки-рарли-чиқарли бўлиб қолган... Ишонманг, Ольга Петровна, гап шу. Далил қаёқда?!

Ольга. Қўйинг, Василий Семенич, сизга риёкорлик қилиш кўнглимда йўқ... Бундай уйдирмани тўқиши... сизниг қўлингиздан келмайди. Ўлганларни бадном қилиш, йўқ, бу жудаям даҳшатли... (*Тескари ўгирилади.*) Щук, мен сизга ишонаман.

Кузовкин (заиф товуш билан). Сиз менга ишонасизми?..

Ольга. Ҳа... (*Унга тикилиб, қалтираб кетади.*) Бироқ бу даҳшат, даҳшат-ку... (*Тез юриб четга чиқади.*)

Кузовкин (*унинг орқасидан қўл чўзиб*). Ольга Петровна, безовта бўлманг... Мен аҳволингизга тушуман... Сизга, шундай маълумотингиз билан... мен-чи, агар барибир сизга муносиб бўлмасам, қандай одамлигимни айтган бўлар эдим... ўзимни яхши биламан... Кечирасиз... сиз бунинг ҳеч балога ақли етмайди, деб ўйлаётгандирсиз балки... Ахир мен сизни ўз қизимдек яхши кўраман... Ахир суриштириб келганда, ҳар қалай сиз... (*Тезгина ўрнидан туради.*) Қўрқманг, қўрқманг, у сўз оғзимдан чиқмайди... Ўтгган гапларни унутинг, мен бугун, ҳозироқ жўнаб кетаман... Ахир энди бу ерда қолишим мумкин эмас, сира иложи йўқ буни... Ҳечқиси йўқ, мен у ерда ҳам сизни дейман (*кўзига ёш келади*)... Қаерда бўлмай сизни ва эрингизни дейман... бу ишларнинг ҳаммасига албатта ўзим айборман, сўнгги баҳтимдан жудо бўлдим... (*Йиғлайди.*)

Ольга (*қаттиқ ҳаяжонга тушиб*). Бу қандай гап ахир? У ҳар ҳолда менинг отам-ку... (*Орқасига ўгирилади ва ўиғлаётганини кўриб*). Йиғляяпти... йиғламанг, қўйинг... (*Унга яқин келади.*)

Кузовкин (*унга қўлини чўзиб*). Яхши қолинг, Ольга Петровна...

Ольга ҳам унга журъат этмайроқ қўлинни чўзади, унинг бўйнига ташланишга ўзини зўрлаб кўради, бироқ шу заҳоти аъзойи бадани қалтираб кетади-ю, шартта ўғирилиб кабинетига югуради. Кузовкин турган ерида қолаверади.

(Юрагини чанглаб.) Ё раббим! Ё худойим, менга нима бўляпти асти ўзи?

Елецкийning овози (эшик орқасидан). Эшикни ичидан бекитиб олдингми, Оля?! Оля?!

Кузовкин (ҳушини бошига йиғиб). Ким бу?.. Уша... Ҳа... Нима?..

Елецкийning овози. Жаноб Трапачев келди. Je vous'oppose...¹ Оля, жавоб бер... Василий Семенич, шу ердамисиз?

Кузовкин. Худди шундоқ.

Елецкийning овози. Ольга Петровна қани?

Кузовкин. Чиқиб кетдилар.

Елецкийning овози. Шундайми?! Очинг эшикни.

Кузовкин эшикни очади. Елецкий киради.

Елецкий (у ёқ-бу ёққа аланглаб, ўзига-ўзи). Хўн ажиб ишлар бўляпти-да. (Кузовкинга совуқ, қатъият билан.) Кетяпсизми?

Кузовкин. Шундоқ.

Елецкий: Ҳа! Ҳўш, суҳбатингиз нима билан туғади?

Кузовкин. Суҳбатми... суҳбат бўлгани йўқ, менинг Ольга Петровнанинг оёғига йиқилиб кечирим сўрадим.

Елецкий. У нима деди?

Кузовкин. Мендан ортиқ аччиқланмайдиган бўлдилар... Мен эса жўнаб кетяпман.

Елецкий. Ольга Петровна, бундан чиқди, менинг қароримни ўзгартирамбди-да?

Кузовкин. Шундоқ.

Елецкий. Ҳм... Юрагим ачиапти, албатта, лекин ҳамма гапга ўзингиз тушуниб турибсиз, Василий Семенич... борди-ю...

Кузовкин. Бўлмаса-чи, Павел Николанч, ганингизга бутунлай қўшиламан. Ҳимматингизга балли. Қамина қулингизнинг ҳад-ҳисобсиз миннатдорлигини қабул қилинг.

¹ Ахборингиз учун (франц.).

Елецкий. Гуноҳингизгà иқғорлиғингиз Мений ҳур-
санд қилади. Хўп, хайр... Бирор нарса керак бўлса,
тортинмай айтаверинг... Оқсоқолга фармойиш берган
бўлсан ҳам, истаган вақтингизда менга мурожаат
этишининг мумкин...

Кузовкин. Беҳад миннатдорман. (*Таъзим қи-
лади.*)

Елецкий. Хайр, Василий Семенич. Э, айтганча,
бир нафас сабр қилинг... Ҳалиги... ҳм... жаноб Тропачев
келган эди, ҳозир у бу ерга киради... кўнглимга қара-
сангиз, бугун эрталаб менга айтган гапларингизни ун-
га ҳам айтсангиз...

Кузовкин. Бош устига.

Елецкий. Жуда яхши. (*Кираётган Тропачевга.*)
Mais venir donc—venez donc!¹

Тропачев, одатicha, ўзига зеб бериб киради.

Хўш, ким ютди?

Тропачев. Ким бўларди, мен-да. Бильярдингиз
жуда яхши экан. Манави гапга қулоқ солинг, Иванов
мен билан ўйнашдан бош тортди! Бошим оғрияпти дей-
ди. Тавба, Иванов бўлса-ю, боши оғриса-я! Et madame?
Хоним қалай? Соғ-саломатдир дейман?

Елецкий. Худога шукур, у ҳозир келади.

Тропачев (*соҳта назокат билан*). Сизнинг кели-
шингиз биз саҳрои одамлар учун худди осмондан
тушган бир таҳтдек гап бўлди-да, ҳе-ҳе — une bonne for-
tune.² (*Аланглаб Кузовкини кўриб қолади.*) Ёпирай,
сиз ҳам шу ердамисиз?

Кузовкин индамай таъзим қилади.

Елецкий (*иляги билан Кузовкини кўрсатиб, Тро-
пачевга баланд овозда*). Кечаги телбалигидан бугун
қаттиқ ҳижолатда, эрта саҳардан бери ҳаммадан кечи-
рим сўрайди.

Тропачев. Ҳа! Ичкиликка мазангиз йўқ экан-а?
Тўғрими? Шунака.

Кузовкин (*бошини кўтармай*). Гуноҳкорман, бу-
тунлай ақлдан адашибман, нимаям дердим.

Тропачев. Ана шунаقا! Билиб қўйинг, Ветрово

¹ Қиринг, бемалол! (*франц.*)

² Бахти ҳодиса (*франц.*).

йомешчиги... (*Елецкийга*.) Қалла деган нағсага ҳар хил бемаъни фикр келаверар экан-да... Шундан кейин бирор жиннихонада қандайдир жинни ўзини, нима десамикин, чунончи, Хитой императориман, деса, ажабланмасаям бўларкан... Мишмишларга қараганда, баъзилар қўёш ўнг кифтимда, ой чап кифтимда, деб хаёл қиларкан... Хе-ҳе. Ветрово помешчиги ҳам ўшалар хилидан-да.

Елецкий (*гапни бошқа мавзуга бурмоқчи бўлиб*). Ҳа... Сиздан бир нимани сўрамоқчи эдим, Флегонс Александрич, овга қачон чиқамиз?

Тропачев. Хоҳлаган вақтингизда. Ахир кўриб турибсиз-ку... Мен сиз билан эл бўлиб кетдим... ҳеч тортинимай кеча келган эдим, мана бугун ҳам келиб турибман... Демак, сиз ҳам шундай қилишингиз керак... Шошмай туринг, ҳозир Қарпачовдан сўрайман. Қаерга боришимизни у билади. (*Зал эшиги олдига келади*.) Қарпачов! Бу ёққа кел, биродар! (*Елецкийга*.) У жуда мерган, бироқ бильярдда мен уни қолдираман.

Карпачов киради.

Қарпачов, мана, Павел Николаич эртага овга чиқишига истак билдираптилар, қаерга борсагикин-а?

Карпачов. Колобердоводаги Вохрекникига борамиз. У ерда ҳозир қурт сероб бўлса керак.

Елецкий. Узоқми бу ердан?

Карпачов. Тўғри йўлдан борилса ўттиз чақирим, қишлоқ йўлидан юрилса оз.

Елецкий. Жуда соз.

Кабинетдан Прасковья Ивановна чиқади.

Нима дейсан?

Прасковья Ивановна (*Елецкийга*). Ойим поишша сизни йўқлаяптилар.

Елецкий. Нимага?

Прасковья Ивановна. Қайдам.

Елецкий. Бориб айт, ҳозир бораман. (*Тропачевга*) Ижозат этадиларми?

Прасковья Ивановна кетади.

Тропачев (*бош чайқаб*). Э-эҳ, Павел Николаич, уят эмасми рухсат сўраб ўтириш... Худо ҳаққи, bemalol бораверинг...

Елецкий. Сизни узоқ куттириб қўймаймиз.

Кетади. Зал эшиги олдида турган Кузовкин рухсатдан фойдаланиб, кетмоқчи бўлади.

Тропачев (Кузовкинга). Йўл бўлсин, биродари азиз, қаёққа? Кетманг, валақлашиб ўтирамиз.

Кузовкин. Ним бор... Зарурат...

Тропачев. Э, қўйиниг-е, қандай зарурат! Балки сиз уялаётгандирсиз?.. Бўладиган иш-ку бу! Ҳар кимнииг ҳам бошида бор бу нарса. (*Қўлидан ушлаб саҳна олдига бошлайди.*) Шошманг-чи, нима демоқчиман, ичиш ҳар кимнииг ҳам бошида бор... иқорор бўлай, кеча сиз бизни таажжублантириб қўйдингиз! Қандай қариндош топдингиз-а ўзингизга? Жуда баланд дорга осилдингиз-ку!

Кузовкин. Тентаклик оқибати бу.

Тропачев. Шундайку-я, ҳар ҳолда қизиқ. Нега келиб-келиб қизим дедингиз-а. Мўъжиза! Ростини айтинг, шундай қиздан бош тортмаган бўлардингиз-а? Тўғрими? (*Биқинига туртади.*) Йўқ дейсизми? (*Карпачовга.*) Лаби чиройли-а? Нима дейсан?

Карпачов кулади.

Кузовкин (қўлинни Тропачевнинг қўлидан ажратиб олмоқчи бўлиб). Қўйиб юборинг...

Тропачев. Кечаки нега биздан аччиқландингиз... а? Тонасизми?

Кузовкин (калласини буриб, паст товушда). Гуноҳкорман.

Тропачев. Бўлмасам-чи. Майли, худо кечиради сизни... Шундай қилиб қизингизми?

Кузовкин индамайди.

Менга қаранг, ошна, нега меникига бирон марта қадам ранжида қилмайсиз? Меҳмон қиласадим.

Кузовкин. Беҳад миннатдорман.

Тропачев. Меникида яйрайсиз, ишонмасангиз, ана ундан сўранг. (*Карпачовни кўрсатади.*) Менга яна Ветрово ҳақида сўзлаб берардингиз.

Кузовкин. Майли.

Тропачев. Назаримда, бугун Карпачов билан сўрашмадингиз шекилли? (*Карпачовга.*) Карпачов, сен Василий Семенич билан кечагидек сўрашмадингми?

Карпачов. Йўғ-а.

Тропачев. Э, ошна, яхшимас.

Карпачов. Ижозат этсангиз, мен ҳозир...

Қулочини ёзиб, Кузовкин томон юради, Кузовкин орқасига тиса-рилади. Қабинетнинг эшиги шартта очилиб Елецкий чиқади. У ҳаяжонланган. Қути ўчган.

Елецкий (*зарда билан*). Мен сиздан, Флегонс Александрич, жаноб Кузовкини ўз ҳолига қўйинг, деб сўраб эдим шекилли...

Тропачев ҳайратланиб орқасига ўтирилади ва Елецкийга тикилади.

Тропачев (*изза бўлиб*). Сиз-а... эсимда йўқ...

Елецкий (*зарда билан давом этади*). Ҳа, Флегонс Александрич, очигини айтсам, шундай тарбиянгиз... маълумотингиз билан иккى кун сурункасига... айтиб қўя қолай, бачкана ҳазилга муккангиздан кетганингизга ҳайронман...

Тропачев (*Карпачовга қўли билан ишора қиласди, у дарҳол ғоз қотади*). Аммо, кечирасиз, Павел Николаич... Мен албатта... Ҳар ҳолда бутунлай фикрингизга қўшиламан... бироқ бошқа томондан... Хўш, рафиқангиз соғ-саломатми?

Елецкий. Ҳа, ҳозир чиқади... (*Кулиб Тропачевнинг қўлинини сиқади*.) Сиз мени марҳамат қилиб кечиринг... Бугун негадир таъбим хирапоқ.

Тропачев. О, бемалол, Павел Николаич, ҳеч бокиси йўқ... очиги, сиз ҳақсиз... бу тоифа одамлар билан пачакилашиб ўтириш ярамайди...

Елецкийнинг энсаси қотади.

Бугун ҳаво бафоят яхши!

Бир дақиқалик сукунат.

Ҳақ гапни айтдингиз... қишлоқда узоқ яшаш фалокатдир! On se rouille a la campagne.¹ Даҳшат... Одам бўғилиб кетади, билсангиз... Ахир оқ-қорани ажратиш...

Елецкий. Худо хайрингизни берсин, Флегонс Александрич, ўша гапни қайта эсламанг, ўтинаман...

¹ Қишлоқда одамни мөгор босиб кетади (*франц.*).

Тропачев. Йўқ, йўқ, мен шунчаки, умуман, биласизми, умумий мuloҳаза.

Яна бир дақиқалик сукунат.

Чамаси, сизга айтмадимов... Келаси қишида чет элга кетмоқчиман.

Елецкий. Шунақа денг! (*Кетмоқчи бўлиб турган Қузовкинга*.) Қолинг, Василий Семенич... Сизда гапим бор.

Тропачев. Икки йилгина чет элда қолиш ниятим бор. Ҳоним кўринмайдилар-ку. Бугун у кишини кўриш шарафига ноил бўлармикинмиз?

Елецкий. Бўлмасам-чи. Ҳозирча боғда сайр қилиб келишни кўнгиллари тиламайдими? Ҳавони қаранг ип petit tour?¹ Фақат ижозат этсангиз, сизни кузатиб чиқмасам, Василий Семенич билан гаплашиб оладиган гапим бор... Ҳар қалай, бир неча дақиқадан сўнг...

Тропачев. Ӯзингизни худди ўз уйингиздагидек тутинг, хе-хе, азизим, Павел Николаич! Ишингизни хотиржам битираверинг, биз унгача манави осий банда билан табиат гўзаллигидан баҳраманд бўламиз... Жон-дилим — табиат! Вене иси, Карпаче! (*Карпачов билан чиқиб кетади*.)

Елецкий (*унинг орқасидан бориб эшикни беркитади ва Кузовкиннинг олдига келиб қўлларини қўксиди чалмаштиради*). Марҳаматли жаноб! Кечা сизни жанжалкаш ва маст одам сифатида кўрган эдим, бугун эса, сизни туҳматчи ва фитначи сифатида кўриб турибман!... Гапимни бўлманг!.. Фитначи ва туҳматчи сифатида! Ольга Петровна ҳамма гапни менга айтиб берди. Балки сиз буни кутмагандирсиз, марҳаматли жаноб? Сиз бу қилмишингизни менга қандай тушунтирасиз? Эрталаб менга кеча айтганларимнинг ҳаммаси уйдирма, ёлғон-яшиқ гаплар, деб эътироф этсангиз-да... Ҳозир хотиним билан суҳбатда...

Кузовкин. Гуноҳкорман... Юрагим...

Елецкий. Юрагингиз билан уч пуллик ишим йўқ — сиздан яна сўрайман: ахир сиз ёлғон сўзлагансиз-а?

Кузовкин индамайди.

Ганингиз ёлғонмиди?

¹ Қисқа муддатли сайр (*франц.*).

Кузовкин. Ахир сизга кеча оғзимдан қандай гаплар чиққанини ўзим билмайман, деб айтдим-ку.

Елецкий. Бугун гапирган гапларингизни биласизми бўлмаса? Қилгуликни қилиб қўйиб, ҳалол одамнинг кўзига қарашга уялмайсиз-а? Уятдан ер ёрилиб, ерга кириб кетмаганингизга ҳайронман.

Кузовкин. Павел Николаич, мени ҳаддан ортиқ газабга оляпсиз. Холисанлилло, бир ўйлаб кўринг-а, Ольга Петровнага айтган гапларимдан мен нимани тами қилишим мумкин?

Елецкий. Нима тама қилганингизни мен айтиб бераман. Сиз ана шу бемаъни уйдирмангиз билан унинг раҳмини келтирмоқчи бўлгансиз. Сиз унинг олиҳимматлилигига умид боғлагансиз... пул ундиришмоқчи бўлгансиз, пул... Ҳа, ҳа, пул. Мен сизга айтишим мумкин, муродингиз ҳосил бўлди. Менга қаранг, биз хотиним икковимиз тирикчилик ўтказишингизга старли пул ажратишга қарор қилдик, бироқ шу шарт биланки...

Кузовкин. Менга бир тийин ҳам керак эмас!

Елецкий. Ганинг белига тенманг, марҳаматли жабоб! Бироқ шу шарт биланки, сиз бу ердан узоқроқдан бошпана топасиз. Мен эсам ўз навбатимда шундай шартларни илова қиласман, сиз биздан пулни олгач, ёлғончилигингизга иқрор бўласиз... Бу сўз, кўриб турибман, сизга оғир ботяпти, бироқ қилмиш-қидирмиши, дейдилар, боз устига, сиз ҳар қандай ҳуқуқдан воз кечасиз...

Кузовкин. Овора бўласиз, сиздан бир тийин ҳам олмайман!

Елецкий. Бу қанақа гап, жабоб? Нима, сиз бош торятпесизми? Бундан чиқди, мен сиз айтган гапларни тўғри, деб топишим керак экан-да? Ахир бундоқ тушунтирангиз-чи?

Кузовкин. Ҳеч нарсани тушунтиrolмайман. Мени нима деб ўйласангиз ўйлайверинг, барибир ҳеч парсангизни олмайман.

Елецкий. Тавба, ҳеч балога ақлим етмай қолди! Балки сиз бу ерда қолмоқидирсиз!

Кузовкин. Бугуноқ жўнаб кетаман.

Елецкий. Кетаман денг! Ахир Ольга Петровнани қандай аҳволда қолдиришингизни ўйлајпесизми? Агар заррача инсофингиз бўлса, буши эътиборга олган бўлур эдингиз.

Кузовкин. Худо хайрингизни берсин, қўйиб юборинг мени, Павел Николаич. Худо ҳаққи, каллам шишиб қолди. Мендан нима хоҳлайсиз?

Елецкий. Мен пулни оласизми-йўқми, шуни билмоқчиман. Балки сизга кам кўринаётгандир! Биз сизга ўн минг сўм берамиз.

Кузовкин. Ҳеч нарса керакмас менга.

Елецкий. Нега энди. Бундан чиқди... хотиним сизнинг... Бу сўзни айтишга тил ҳам бормайди!

Кузовкин. Мен ҳеч нарсанни билмайман... Бўшатиб юборинг мени. (*Кетмоқчи бўлади.*)

Елецкий. Жудаям ҳаддингдан ошиб кетдинг-ку. Биласанми, зўрлаб сени итоат эттиришим ҳам мумкин.

Кузовкин. Билсак бўладими, қандай қилиб?

Елецкий. Жаҳлимни чиқарманг!. Йўқса, кимлигингизни билдириб қўяман!

Кузовкин. Мен асилизот дворянинман... Билмасангиз, билиб қўйинг!

Елецкий. Кўриб турибман, бунақанги дворянин кам топилади!

Кузовкин. Бори шу, пулга сотилмайди у.

Елецкий. Менга қараанг...

Кузовкин. Сиз бундай терс гапларни Петербургдаги қўл остингиздаги одамларга гапиринг.

Елецкий. Гапга қулоқ солниг, қайсар чол. Ахир сиз валинеъматнингизни таҳқирлашини хоҳламайсиз-ку. Гапларингизнинг иотўғилигини ўзингиз тан олдингиз, энди биз таклиф қилган пулни олиб, Ольга Петровнани хурсанд этсангиз нима қилади? Ёхуд сиз ўн мингни назар-писанд қилмайдиган бадавлат одаммисиз?

Кузовкин. Мен бадавлат эмасман, Павел Николаич, сиз бераётган луқма мен учун бир оғудир. Озмунча заҳар-заққум ютдимми, озмунча хўрликларга чидадимми. Бас, етар. Сиз мени пулга муҳтож деб ўйлаяпсиз, йўқ, менга пул керакмас. Йўлга сиздан бир сўм ҳам олмайман.

Елецкий. Ҳа, муддаонгизни тушуниб турибман! Сиз ўзингизни олиҳиммат қилиб кўрсатиб, кўпроқ пул ундиришнинг пайдан бўляпсиз. Охирги марта қайтараман, сиз ё менинг шартимга кўниб, бу пулни оласиз, ёки шундай бир чора кўраманки...

Кузовкин. Ёпирай, мендан нима истайсиз ўзи! Уйингиздан кетганим камлик қилгандек, бадном бўли-

шимниям хоҳлайсиз, мени пулга сотиб олмоқчи бўла-
сиз... Овора бўласиз, Павел Николаич, айтганингиз бўл-
майди!

Елецкий. О, жин урсин! Мен сени...

Шу пайт дераза тагидан боғдаги Тропачевнинг «Мен бу ерда-
ман. Инзелья, дераза остидаман», деб хиргойи қилгани эшиллади.

Бу қандай бедодлик! (*Дераза тагига келиб.*) Ҳозир...
Ҳозир... (*Кузовкинга.*) Бир қарорга келишингиз учун
чорак соат муҳлат бераман... кейин мендан ўпкалаб
юрманг. (*Кетади.*)

Кузовкин (*ёлғиз*). Тавба, бошимни қандай ғал-
вага қўйяптилар! Бу аҳволда бошимни гўрга тиқишим
ҳам ҳеч гапмас! Ўзимни ўзим хароб қилдим. Тилим бо-
шимга етди. Анови барин... Худди итга қилинадиган мую-
мала қилди менга, худо ҳаққи, рост!.. Гўё менда иззат-
нафс, юрак йўқдек... Қалламни юз жойидан кесса ҳам,
мен барибир...

Кабинетдан Ольга чиқади, унинг қўлида қоғоз Кузовкин аланг-
лаб қарайди.

Ёпирай...

Ольга (*Кузовкиннинг олдига тортинибгина келиб*).
Мен сизни яна бир кўрсам дегандим, Василий Семенич...

Кузовкин (*унга қарамай*). Ольга Петровна...
нега... сиз... ҳамма гапни... эрингизга айтиб қўйдингиз...

Ольга. Мен ундан сира гап яширгац эмасман,
Василий Семенич.

Кузовкин. Ҳа-а.

Ольга (*шоша-ниша*)... У гапимга ишонади... (*Ово-
зини пасайтириб*.) У ҳаммасига рози.

Кузовкин. Рози? Нимага рози?

Ольга. Василий Семенич, сиз меҳрибон... Инсофли
одамсиз... Гапимга тушунасиз... Қани, бир ўзинингиз ай-
тинг-чи, сиз бу ерда қола олармидингиз?

Кузовкин. Йўқ, қололмайман.

Ольга. Тўхтанг, қулоқ солинг... Мен сизнииг фик-
рингизни билмоқчиман... Сизни энди қадрлайман, Васи-
лий Семенич... Гапиринг, очишини айтавериңиг.

Кузовкин. Меҳр-муҳаббатингизни кўриб туриб-
ман. Ольга Петровна, мен ҳам кишининг қадрига ета-
диган одамман... (*У тўхтайди ва хўрсиниб сўзида давом
этади*.) Йўқ, қололмайман, бунинг иложи йўқ. Қариган

Чоғимда тағин калтаклаб юрмасинлар. Яшириб нима қиласан, мен ҳозир албатта түнимни тескари кийиб олдим, бунинг боиси шуки... бундоқ танобимизни тортиб қўядиган хўжайн, билсангиз, уйда кўпдан бери йўқ эди... Боз устига қари-қартанглар ҳали тирик, марҳум баринининг қўлида масҳарабоз бўлганимни улар унтишмаган. Мен, зўрлашганда, баъзан ўз хоҳишими-ча майнабозчилик ҳам қилганман...

Ольга тескари ўгирилади.

Хафа бўлманг, Ольга Петровна... Ахир мен... ҳар ҳолда бегона одамман... Қололмайман.

Ольга. Ундан бўлса... мана буни олинг... (*Унга қоғозни узатади*.)

Кузовкин (*ҳайрон бўлиб қоғозни олади*). Нима бу?

Ольга. Бу... биз сизга... Ветрово қишлоғингизни сотиб олишингиз учун... маблағ ажратдик... Ишонаманки, сиз бизнинг айтганча, менинг қўлимни қайтармайсиз...

Кузовкин (*қоғозни қўлидан тушириб юбориб, ба-шарасини қўллари билан яширади*). Ольга Петровна, нега энди сиз, сизам менга озор берасиз?

Ольга. Нега энди?

Кузовкин. Сиз мени сотиб олмоқчи бўляпсиз... Ахир мен сизга айтдим-ку, менда ҳеч қандай далил йўқ... Сиз қаёқдан биласиз. Бу гапларни ичимдан тўқимаганимдан, ҳеч нарсани тама қилмаганимдан сизнинг хабарингиз йўқ-ку...

Ольга (*шоша-пиша унинг сўзини бўлиб*). Агар сизга ишонмаганимда, ҳеч вақтда биз бунга рози бўлармидик...

Кузовкин. Сиз ишонсангиз бўлади, менга бошқа ҳеч нарсанинг кераги йўқ, бу қоғозни бошимга урамани? Ёшлигимданоқ ҳузур-ҳаловат нималигини билмаганим... энди қариган чоғимда ҳам буни ўйламай қўя қолай... Менга нима керак? Бир бурда нон — шу кифоя. Мабодо менга ишонсангиз... (*Гапдан тўхтайди*.)

Ольга. Ҳа... ҳа... сизга ишонаман. Йўқ, йўқ, сиз мени алдамайсиз — йўқ... Мен сизга ишонаман, ҳа, ишонаман. (*Бирдан уни қучоқлаб, кўкрагига бошини қўяди*.)

Кузовкин. Ойимпошша, Ольга Петровна, қў...

қўйинг... Ольга... (*Гандираклаб чап томондаги курсига ўтиради.*)

Ольга (бир қўли билан уни ушлаб, бўши қўли билан тезгина ердаги қоғозни олади ва унинг пинжига сукилади). Сиз етти ёт бегона бирор бой хотининг ёки эримнинг қўлини қайтаришингиз мумкин эди, бироқ қизингизнинг, ўз қизингизнинг қўлини қайтаролмайсиз... йўқ дейишингиз мумкин эмас... (*Қоғозни унинг қўлига сукади.*)

Кузовкин (*кўзида ёш, қоғозни олиб*). Кечиринг, Ольга Петровна, кечиринг, кўнглингизга келган ишни буюринг, бажону дил бажо келтираман, буюрсангиз дунёнинг бир бурчигаям жон-жон деб кетаман... (*Ольга унинг кўз ёшларини рўмолчаси билан артади.*) Эҳ, Оля...

Ольга. Йиғламанг, йиғлама... Биз дийдор кўришиб турамиз... Узинг ҳам келиб турасан...

Кузовкин. Эҳ, Ольга Петровна. Оля... шу мен ўзимманми, бу ишлар тушимда бўлаётгани йўқми?

Ольга. Йўғ-э, йўқ...

Кузовкин (*бирдан шоша-пиша*). Оля, тур, келишяпти.

Қарийб унинг тizzасига ўтираёзган Ольга дик этиб ўрнидан турди.

Қўлингизни беринг, охирги марта қўлингизни беринг...

У шошилиб Ольганинг қўлини ўпади. У четга чиқади. Кузовкин ўрнидан турмоқчи бўлади-ю, лекин туромайди. Ўнг томондаги эшикдан Елецкий билан Тропачев киради, уларнинг орқасидан Карпачов келади. Ольга Кузовкиннинг ёнидан ўтиб, уларнинг истиқболига юради ва у билан келганларнинг ўртасида тўхтайди.

Тропачев (*таъзим қилиб, қилпанглаб*). Enfin¹— сизни кўриш баҳтигаям мушарраф бўлар эканмиз-ку, Ольга Петровна. Тани жонингиз соғми?

Ольга. Шукур, соппа-соғман.

Тропачев. Назаримда, рангингиз...

Елецкий (*унинг гапини оғзидан юлиб олиб*). Бугун икковимизнинг негадир нашъамиз пастроқ..

¹ Хайрият-э (франц.).

Тропачев. Табиатйғизам бир хил-а, ҳе-хе. Бөнгиз жуда ажойиб экан.

Кузовкин зўр-базўр ўрнидан туради.

Ольга. Сизга манзур бўлганидан жуда хурсандман.

Тропачев (*аразлагандек*). Менга қаранг, богингиз жуда сўлим, таърифга сиғмас чиройли *mais c'est tres beau, tres beau...*¹ Хиёбонлару боғлар, умуман, ҳамма. ҳаммаси... Шундоқ. Шеърият ва табиатни жон-дилимдан яхши кўраман. Ие, нима бу? Альбомлар-ку! Худди пойтахтдаги салонлардагидақа-я!

Елецкий (*хотинига маънодор кўз ташлаб, салмоқлаб*). Бир ёқлик қилдингми?

Ольга бош иргаб қўяди, Тропачев одоб юзасидан тескари ўгирлади.

У кўндими? Ҳм, яхши. (*Уни сал четга тортиб.*) Сенга такрор айтаман, мен барибир бу сафсатага ишонмайман, лекин қилган ишингни маъқуллайман. Уйдаги хотиржамлик ўн мингдан ортиқ.

Ольга (*Тропачевнинг олдига келади, у энди стол устидаги альбомни томоша қилмоқчи бўлиб турган эди*). Нималар билан машғул бўляпсиз, Флегонс Александрич?

Тропачев. Шундоқ... Альбомингизга кўзим тушиб қолди. Антиқа иш бўпти. Менга шуни айтинг-чи, сизнинг Ковринскийлар билан танишлигингиз йўқми?

Ольга. Иўқ, танишмасман.

Тропачев. Ростдан-а, илгари ҳам таниш эмасмидигиз? Танишиб олинг, сизга маслаҳатим шу. Уездимизда бирдан-бир кўзга кўринган хонадон шу, ёки айтиш мумкинки, кечага довур шундай эди, ҳа-ҳа!

Елецкий (*Кузовкин ёнига келади*). Пулни оласизми!

Кузовкин. Оламан.

Елецкий. Бундан чиқди, ёлғон гапирган эканисиз-да?

Кузовкин. Ҳа.

Елецкий. А! (*Ольга олдида қийишанглаб турган Тропачевга*). Мана, Флегонс Александрич, кеча биз Василий Семенич билан ҳазиллашиб эдик. Мана, у

¹ Ниҳоятда кўркам, кўркам (франц.).

ютиб чиқибди. Биз боғда сайд қилиб юрганда хабар келибди.

Тропачев. Йўғ-э?

Елецкий. Рост. Ҳозир буни менга Ольга айтди. Ана, ўзидан сўранг.

Тропачев. Шу гап ростми, Василий Семенич?

Кузовкин (*саҳна ёпилгунча худди болалардек жилмаяди, азбаройи ўпкаси тўлиб кетганидан қўнгироқдек овоз билан гапиради*). Рост, рост, қўлимга ўтадиган бўлди.

Тропачев. Табриклайман, Василий Семенич, муборакбод этаман. (*Елецкийга паст овозда*.) Тушуниб турибман... сиз кечаги воқеадан кейин уни ими-жимида гумдон қилмоқчисиз...

Елецкий, йўқ, деб ишонтирмоқчи бўлади.

Ҳа, ҳа... шундай... қандай олижаноблик, олиҳимматлик... боодоблик... Жуда соз, жудаям соз. Гаров боғлашаман бу фикр (*хумор кўзлари билан Ольгага қараб қўйиб*) хотинингизнинг калласига келган... турган гапки, сиз ҳам...

Елецкий кулади. Тропачев баланд овозда давом этади.

Жуда соз... жуда соз. Бундан чиқди, Василий Семенич, энди хўжаликни йўлга қўйиш учун у ёққа кўчиб кетишингизга тўғри келади...

Кузовкин. Албатта.

Елецкий. Василий Семенич менга шуни айтдики, у бугуноқ у ерга бориб келмоқчи...

Тропачев. Бўлмасам-чи... Унинг ҳовлиқаётганига тушунаман. Ё тавба! Туппа-тузук одамни бурнидан ип ўтказиб, хўп лақиллатишиди, бироқ барибир мулкини қўлга киритди... Албатта у хўжалигини кўргиси келадида. Шундай эмасми, Василий Семенич!

Кузовкин. Худди шундоқ.

Тропачев. Худо билсин, шаҳарга тушиб чиқишингизга ҳам тўғри келар?

Кузовкин. Бўлмаса-чи, ҳамма ишни тартибга солиш даркор.

Тропачев. Унда имилламанг. (*Елецкийга кўз қисиб*.) Истеъфодаги Личков бало эканми-а! Бу ишларни ўша тўғрилаган бўлса керак? (*Кузовкинга*.) Ҳўш, хурсандмисиз?

Кузовкин. Хурсанд бўлмай бўладими?

Тропачев. Ҳовли тўйингизга бориб, зиёрат қилиб келишимга ижозат этарсиз балки?

Кузовкин. Бош устига, Флегонс Александрич.

Тропачев (*Елецкийга*). Павел Николаич, бу қанақа гап ахир? Ветровони ювсак бўларди.

Елецкий (*истар-истамас*). Ҳа... айтгандек... (Зал эшиги олдига келади). Трембинскийни чақиринг!

Трембинский (*эшикдан отилиб кириб*). Буюрсинлар.

Елецкий. А, шу ердамидингиз... бир шиша шампанское!

Трембинский. Бажону дил! (*Эшикдан чиқай деганда*.)

Елецкий. Сабр қилинг!

Трембинский киради.

Залда кўзим жаноб Ивановга тушгандек бўлиб эди, чақир уни.

Трембинский. Хўп бўлади. (*Чиқиб кетади*.)

Тропачев (*стол ёнида альбом ушлаганча, гоҳ ерга қараб, гоҳ нигоҳини Кузовкинга тикканча турган Ольгага яқин келиб*). Madame Kovrinская сиз билан танишганидан бафоят хурсанд бўлади... hatee, cenenchatee.¹ Ишонаманки, у сизга маъқул бўлади... Мен унинг уйини ўз уйимдек биламан... Ақлли хотин, биласизми, у ҳалигидақа... (*Қўлини ҳавода йўнатади*.)

Ольга (*кулиб*). Шунақа дент!

Тропачев. Борганингизда кўрасиз.

Трембинский патнисда шишалар ва қадаҳлар кўтариб киради.

Э! Хўп, Василий Семенич, сизни чин қалбдан табриклишга рухсат этгайсиз...

Иванов киради, бўсағада тўхтаб таъзим қиласи.

Ольга (*Ивановга ширинсуханлик билан*). Салом, сизни кўрганимдан хурсандман... Эшитдингизми... улфатингиз Ветровони оляпти...

Иванов иккинчи марта таъзим қиласи, Кузовкиннинг олдига келади. Трембинский ҳаммага қадаҳ тутади.

¹ Қувонади, қувонади (*франц.*).

Иванов (*паст овозда, Кузовкинга бидирлаб*). Василий, улар алдашяпти шекилли-а?

Кузовкин. Жим, Ваня, дамингни чиқарма, мен баҳтлиман.

Тропачев (*қадаҳ ушлаб*). Янги мулкдорнинг соғлиғи учун!

Ҳамма (*қадаҳини кўтармай турган Ивановдан боши-қа*). Унинг соғлиғи учун! Унинг соғлиғига!

Карпачов (*дўриллаб*). Узоқ умр кўринг!

Тропачев унга ўқрайиб қарайди, у изза бўлади. Кузовкин миннатдорлик билдиради, таъзим қиласи, кулади, Елецкий ўзини четроқда тутади, Ольга ноқулай аҳволда, ўпкаси тўлган. Иванов ҳайрон, зимдан қараб-қараб қўяди.

Кузовкин (*овози қалтираб*). Ижозат этсангиз, мен ҳозир... мен учун баҳтли бўлган бу кунда лутф-карамингиз учун миннатдорлик билдирсам.

Елецкий (*унинг ганини бўлиб, жиддий оҳангда*). Нимага, нимага бизга миннатдорчилик билдиряпсиз, Василий Семенич...

Кузовкин. Нега бўларди. Сизлар ҳар қалай менинг валинеъматимсизлар... Қечаги кирдикорим учун мен чолни олиҳимматлик қилиб кечиргайсиз... Қеча нега жаҳл қилганимга ва ёлғон сўзлаганимга ҳеч тушунолмайман...

Елецкий (*яна унинг сўзини бўлиб*). Хўп, яхши, яхши...

Кузовкин. Аччиқланиб нима қиларканман? Нима қинти... Жаноблар ҳазиллашибди. (*Ольгага қараб*.) Айтмоқчи, мен бундай демоқчимасдим. Яхши қолинглар, менинг валинеъматларим, соғ-саломәт, шод-хуррам ва баҳтли бўлинглар...

Тропачев. Нега бундай хайрлашяпсиз. Василий Семенич, ахир сиз Астраханга кетаётганингиз йўқ-ку.

Кузовкин (*кўнгли бузилиб, давом этади*). Худо баҳтингизни берсин... мен бўлсан... худодан ниманиям сўрардим; шундоғам баҳтлиман... (*Гапдан тўхтайди ва ииғлаб юборишдан ўзини зўрга тутиб қолади*.)

Елецкий (*четга қараб, ўзига*). Бу қандай машмаша. Қачон даб бўлади у?

Ольга (*Кузовкинга*). Яхши боринг, Василий Семенич... Ўз мулкингизга етиб боргач, бизни унубиб юбормаиг... Сизни кўрсам хурсанд бўламан (*овозини пасайтириб*), холи гаплашсам дейман...

Кузовкии (*унинг қўлини ўтиб*). Ольга Петровна...
Худо иқболингизни баланд қилсин.

Елецкий. Хўп, яхши, яхши, хайр...

Кузовкин. Хайр, омон бўлинглар...

Таъзим қиласди ва Иванов билан залнинг эшниклари томон юради.
Уларни ҳамма кузатади. Эшик олдида Тропачев хитоб қиласди:
«Яшасин янги мулк эгаси!» Ольга тезгина кабинетига кириб
кетади.

Тропачев (*Елецкийга мурожаат қиласди ва унинг
елкасига қоқади*). Биласизми, мен сизга айтсам, оли-
жаноб одам экансиз.

Елецкий. О, маъзур тутасиз. Жуда мақтаб юбор-
дингиз...

Парда ёпилади